



BIBLIOTHECA  
UNIV. JAGELL.  
CRACOVENSIS

905468


a-b

Mag. St. Dr.

II









Ende

I  
RESPONSIO MODESTA  
*Ad cuiusdam*  
QUINQUAGINTA SINGULARIA  
Iuris patronatus Regum Poloniæ  
quæ in odium Regularium procaciter divulgavit.

Lectori Benevolo.

**P**rodierunt anno præterito 1676. Quinquaginta singularia Iuris patronatû Regum Polon. quæ à quo scripta, vel ubi sint impressa, subdolè reticetur. Per quæ M<sup>tas</sup> Regia de Monasteriorum qualitate non benè informatur, Regularium status iniquè traducitur, & Sacra Iura impiè perveruntur. Visum proinde, ut Modestâ Responsione, temeritas Scriptoris detegatur. quam faciliè ipsemet L. H. deprehendes, ubi contortas cavillationes eius, quas hîc inseruimus, iustâ trutinâ ponderaveris.

Argutix eius ordine numerali, prout singularista edidit, diverso charactere, à nostrâ Respons. ponuntur, ut rubrum à nigro distingvatur, & Lector advertat, cui parti Veritas suffragium præstat.

§ I.

**I. Ius patronatus, Erectione, Fundatione, aut Dotatione, acquiri; Solenne Axioma est Iuris communis Ecclesiastici.**

**R** Solenne idem est, & in Iure expressum, quod Ius patronatus, cum suo effectu, tollitur Cessione seu Donatione, ut puta, cum quis id Ecclesiæ, in qua ius habet huiusmodi, conferendum duxerit; quo casu, Ecclesia remanet libera, ut habetur in c. 1. eod. in 6.

Item, si quis Ecclesiam, sine sui reservatione iuris, Collegiatam fieri patiatur, vid. Abb. in c. nobis: eod.

Vel dum Monasterium erigitur, & Fratrum Conventus ponitur, Fundator velle præsumitur, ut Regula ibi servetur, & iuxta Regulam Prælatus ordinetur. vid. Engul. Privil. Regul.

Est autem canonisatum hoc Decretum, quod S. BENEDICTVS, Regulæ cap. 64. tale posuit. De ordinando Abbate.



In Abbatis ordinatione, illa semper consideretur ratio, ut hic constituatur, quem sibi omnis concors congregatio, secundum timorem Dei, sive etiam pars, quamvis parva, congregationis saniori consilio elegerit. Vitæ autem merito, & sapientiæ doctrinâ eligatur, qui ordinandus est, etiam si ultimus fuerit in ordine Congregationis. Quod si etiam omnis congregatio vitiis suis. (quod quidem absit) consentientem personam pari consilio elegerit, & vitia ipsa aliquatenus in notitiam Episcopi, ad cuius Diocesis pertinet ille locus vel Abbatibus, aut vicinis Christianis claruerint, prohibeant pravorum prævalere consensum, & domui Dei dignum constituent dispensatorem: scientes pro hoc se recepturos mercedem bonam, si illud castè & zelo Dei faciant, sicut è diverso peccatum, si negligent. Ordinatus autem Abbas, cogitet semper quale onus suscepit, & cui redditurus est rationem villicationis suæ. Sciatque sibi oportere, prodesse magis quàm præesse. Oportet ergo eum esse doctum Lege Divina, ut sciat, unde proferat nova & vetera. Castum, sobrium, misericordem, & semper superexaltantem misericordiam iudicio, ut idem ipse consequatur. Oderit vitia, diligit fratres. In ipsâ autem correptione prudenter agat, & ne quid nimis: ne dum nimis cupit eradere æruginem, frangatur vas. Suamque fragilitatem semper suspectus sit: memineritque calamum quassatum non conterendum. In quibus non dicimus, ut permittat nutriri vitia, sed prudenter & eum charitate ea amputet, prout viderit cuius expedire, sicut iam diximus; & studeat plus amari quàm timeri. Non sit turbulentus & anxius, non sit nimis & obstinatus, non sit zelotypus, & nimis suspiciosus quia nunquam requiescet. In ipsis imperiis suis sit providus & consideratus, sive secundum DEVM, sive secundum sæculum sint. Opera quæ iniungit, discernat & temperet, cogitans discretionem Sancti Iacob, dicentis: si greges meos plus in ambulando facero laborare, moriantur cuncti una die. Hæc ergo aliaque testimonia Discretionis matris Virginitatis sumens, sic omnia temperet, ut sit quod & fortes cupiant, & infirmi non refugiant. Et præcipuè, ut præsentem Regulam in omnibus conservet; ut dum benè ministraverit, audiat à Domino, quod servus bonus qui erogavit triticum conservis suis in tempore suo. Amen dico vobis, super omnia bona sua constituet eum.

## § II.

*II. Hoc tramite Iuris Priorum (ut vocat Cromerus) Sacerdotiorum Collationes Regibus Poloniae quasita sunt, quorum Fundatores extiterunt, qui vocantur in Iure Patroni, Advocati, Protectores, & Defensores Ecclesiarum, & præcipuè Monasteriorum.*

& Per hunc tramitem, quem Singularista infidiosè monstrat, priores Reges nostri nunquam processere; qui prisco illo aureo ævo, quo quisque contentus suâ sorte fuit, cum fines Regni sui & Christianæ fidei proferrent, spatia Monasteriorum & structuras amplificabant; erantque in id unicè intenti, ut in claustris sanctè viveretur; ad quod Duce Abbate & Magistro, opus esse scientes, optimos quosque de cætu Fratrum, in Abbates eligi providebant, cum Regulari assiduis obsecrationibus & innocenti vitâ, felicitatem suis Regnis conciliari non dubita-



dubitarent. Manetq; in hodiernum, indispensabiliter hæc penes Maiestates Regias obligatio, uti Chokier fusè deducit, ut non solum omnes ac singulas Ecclesiasticas fundationes & Monasteria, sub Regiâ, veluti Supremi Advocati, protectione ac defensione, cum suis iuribus & communitatibus conservent, sed & prospiciant, ut Religiosæ piæq; fundationes, diligenter ac sedulò adimpleantur, in iis disciplina monastica teneatur, vel sicubi ea, per temporum iniuriam intercidisset, restauretur. Sicqve Dei gloria & observantia cultus Divini, factaqve fundationes, ad suum intentum scopum reducantur, & in eodem conserventur.

## § III.

III. *Priora intelliguntur Sacerdotia, Episcopatus, Abbatie, & alie Regularium Præposituræ, tum & insigniores Prælaturæ, Plebanatusq;.*

& Hallucinaturn esse scriptorem suspicor, qui pro vocabulis Pingviora Sacerdotia, posuit inadvertenter Priora Sacerdotia, solum enim Pingve & crassum, mens Scriptoris ruminat, quàm avaritia insatiabilis distendit. Neq; rectè eum indigitasse Abbatis, esse Priora Sacerdotia, quia non necessario, debent esse Sacerdotes Abbates, sed de necessitate tenentur esse prius monachi, quàm fiant Abbates.

## § IV.

IV. *A Divo Miecislao Primo Polonorum Principe Christiano, circa Annum Salutis 966. Episcopatum. Circa annum verò 1000. Abbatiarum, iacta sunt fundamenta. Dlugosij, Miechowite, Cromeri, Belscij Sarnicij, Stricouij, Guagnini, & aliorum Veterum recentiorumq; Rerum Polonarum scriptorum plena Historiæ.*

R Beatius illud sæculum, nascentis tunc in hoc Regno fidei, fuisse colligimus, quò Divini amoris igne succensi Principes, Proceres nobilesq; Poloni, hæreditaria Christo, Christiq; alumni Religiosis Viris conferebant patrimonia; & infustum flebileque hoc præsens ævum, appellandum venit, quò, collata olim à piissimis majoribus, Christo eiusq; ministris, bona & prædia, per summam injuriam adimuntur, & contra avitam pietatem impiè à malè feriatis Comedatariis prodiguntur.

## § V.

V. *Episcopatum res pacata, Abbatie quadam hac tempestate prodicere in arenam, Regum & Fundatorum Collationi oblectatur. Et quia Reges, non Protectores tantum, sed & Fundatores sunt Abbatiarum accipe seriem.*

R Quod Episcopatum sint res modò pacata, DEO sunt agenda gratiæ, nã aliquando & circa Episcopatus acriter discēptabatur, & non pauci Episcoporum,



rum, non modo oblectati sunt Principibus, sed & bella concitavêre hostilia, vel ipse Przemancovius argumento est.

Nunc cum Summus Pontifex, absq; aliquo prævio actu electionis ad solam nominationem Regiam, personæ quæ est vel actu, vel potentiâ proximâ in Ordine Sacerdotij, providet de Cathedralibus Ecclesijs servatur in hoc & iustitia & congruentia omnis, quia clero, totique Diacessi clericus, & sacerdos sacerdotibus, servato ordine homogeneo personarum, præficitur. Neque tantoperè desideratur electio Capitularium, cum magis intersit Regi, uti arbitro, discernere, qui nam ex dignitate Senatoria, quæ penes Episcopos Regni nostri residet, hoc munus sustineant, & qui consilio profint Regi, Regnoque.

Sed Monasteriorum, Abbatumq; diversa nimis ratio est, à statu & conditione Episcoporum; quandoquidem Abbates, privatam claustralemq; agere vitam debent, nullisq; in hoc Regno, publicis reipublicæ negotijs adhibentur, sed ut Divinus cultus, fratrum directio, officiorum, piarumq; obligationum à fundatoribus impositarum, executio, diligenter fiat in claustris, ad hoc solum ex munere suo tenentur invigilare. proinde in jis ordinandis & præficiendis, fratrum libera electio, de necessitate requiritur, ut ab omnibus & ex omnibus eligatur Abbas, qui præsit omnibus, sitq; dux & magister spiritualis vitæ: quemadmodum Iura loquuntur.

Et consequenter DD. tenent, quod ad electionem Superioris in claustris instituendam, non ante Principis & Patroni consensus requirendus sit, sed primum post factam electionem. Quem ipsum consensum, magis de honestate, quam necessitate desiderari, communior est sententiâ. Ut si Patronus, rationabilem contradicendi causam habeat, eam proponere possit, de cæterò autem si nihil obstet electioni, quominus canonica censeri debeat, etiam invito Patrono, validam & confirmandam esse. Videtur enim incongruens, ut confirmatio Prælati Regularis, potius à voluntate Patroni, præsertim laici, (cum tamen laici, alias iuris eligendi incapaces sint) quam ab electione Regularium, dependeat: & insinuat tex. in d. c. nobis. dum dicit Patroni assensum honestius requiri Barb. d. l. n. 4. Panorm. in c. sacrosancta. de elect. in 6.

Semperque fuerunt & esse debent, electivæ dignitates in monasterijs, prout refert Io. à Chokier, tractatu què inscripsit Scholia in primaria Principū preces.

Et certè si religiosi prævidissent futurum aliquando, ut in monasterijs Prælati, non ad præscriptum Regulæ, neque ex mente & electione regularium, sed ex voluntate Principis & impositione, præponi deberent; nunquam Erectiones monasteriorum à Principibus factas & donationes acceptassent, neq; in claustra  
& ceteris



5  
& cætus convenissent: reformidassent enim imperia alienigenarum, quæ semper dura, invisa & imperita, neq; despoticam ultro servitutem subire voluissent, cum non cõacte assumant religiosi iugum Christi, quod illis suave & leve redditur, dum Abbas monachis in omni opere claustrali perficiendo iungitur.

§ VI.

*VI. Ab Anno Millesimo Miecislavus Primus Princeps Polonorum Christianus Tremesnensem, Boleslavus Chrobri Primus Rex Coronatus sanctæ Crucis in Monte Caluo, & Sicciechouensem. Casimirus Primus Tyne-  
censem, Mogilnicensem, & Lubinensem. Miecislavus Senex Landensem  
& Wagrouecensem. Casimirus Dux Sandomiriensis, Suleiouiensem. Casimirus Iustus Copriunicensem. Samborius Oliuensem. Mszczuzius Peplinensem Pomeraniæ Duces; Abbatias à fundamentis erexerunt, dotârunt fundâruntq;.*

¶ In memoria Iustorum, perennet nomen Principum istorum, quorum membranceas chartas & foundationum originales literas dum inspiciamus, qualiter bona sua Christo Domino, & Sacris Ordinibus, nec non Religiosis eorundem Ordinum personis inscripserint & perpetuis temporibus, nihil juris cuiquam reservando, donauerint in solidum, expresse legimus, obligationes, quas fieri per regulares sanxerunt, recognoscimus, execrationes, & graves imprecationes, quas in raptores & invasores bonorum à se monasterijs collatorum fulminarunt, legendo horrescimus; nusquam tamen inuenire possumus, An ius nominandi, & quos vellent imponendi Abbates, sibi, suisq; successoribus aliquandò reservaerint, vel hac potestate ipsi, aut eorum in throno & sceptro Successores, usi ante fuerint; cum libertas eligendi sibi Abbates, integra penes Conuentus omni tempore manserit.

§ VII.

*VII. Archiepiscopi Gnesnenses, Episcopi Cracouienses, & alij Comites, & Proceres Regni, si quas fundarunt Abbatias, gratiâ auctoritate, & consensu Regum & Principum Poloniæ fuit. Hæredes enim & Supremi Domini nuncupabantur; Seruitutesq; Vecturas, Pedagia, Contributiones, Datias, diuersi generis onera, etiam ex bonis Spiritualium, à quibus postea pietate Regum, & Principum, Abnepotum, releuati sunt; summo Iure sumebant. Remansit ex eo circa Maiestatem Regiam dispensatio gratiosa, & non interrupta gratiarum distributio; nec aliter in Bo-*



8  
his Abbatiarum Advocati, Sculteti, & Tabernatores, confederunt, nisi Regum Privilegiis prout ex Diplomatum Casimiri Iusti Poloniae, Lesconis Albi Cracovia, Boleslai Pudici Cracovia, & Lancicie, Semouiti Masonia Ducum deducitur, quae in Archivio Monasterii Suleioviensis conservantur. Recentiori hominum memoria, Sigismundus Tertius in pœnam reprimendae Seditionis à Subditis Abbatia Suleioviensis in Directos suos Dominos assumptæ districtam seu Maiestatis indignationem exeruit, ut Privilegia Scultetorum, aliorumq; Tabernatorum, & Privilegiatorum Liberationes cassaret & annullaret. Solenne est Regum in Abbatias potestatis & iurisdictionis documentum, Prouisiones quoq; ipsas, quas Monasteriorum Conventus cum Abbatibus ad Mensæ commoditatem parti consueuerunt, in omnibus Monasteriis Regū auctoritate, pariter & assensu, semper exdiuisas fuisse.

¶ Perquam grata ista ingeritur nobis recordatio, fuisse quandoque Archiepiscopos & Episcopos in Polonia, qui de propriis terrenis substantiis, Abbatialia monasteria fundarunt dotaruntq; quos nihilominus ditiores modernis extitisse non facile contesserim, sed frugaliores fuisse nullus inficias ibit, illorum itaq; piæ liberalitatem, sæcula porrigent sæculis, viventq; perennes in gratis monachorum animis. iam verò modernos Episcopos, Abbatiarum nostrarum administratores, non ita sera celebrabit posteritas, qui, præterquam quod nec micam liberalitatis suæ, conferant in monasteria, proventibus monasteriorum in super alumnantur saginanturq;.

Ex hoc verò, quod Reges Poloniae, superioribus annis contributiones aliquas ex bonis monasteriorum, summo iure sumpserint; vel quod Scultetos in bonis monasteriorum locatos, privilegijs suis donauerint, & rebelles eosdem, privilegijs ipsis & rebus possessis, in pœnam seditionis priuauerint; tum etiam, quod prouisiones ad mensam religiosorum & diuisiones in bonis monasterij auctoritate Regia & assensu fieri consueverint: hoc solum inferre licet, quod cum sint Supremi in Regno Monarchæ & monasteriorum Protectores, ad eorum Majestatem spectat, res monasteriorum in pace conservare, & veluti pupillos, claustrales defendere; non verò Abbates monasterijs imponere, quod Singularista, ex præmissis illis nititur præfractè concludere.

#### § VIII.

VIII. Priscæ rerum sacrarum facie, Capitula Episcopis Abbatesq; legant,



gebant, uniuersali Ecclesie Catholica consuetudine, non tamen aliq̃ ad  
miniculo Principum. Hodie inquit Piasecius, Electiones libera vix iam  
alicubi, ac ne vix retinentur, etiam à Curia Romana postpositæ: Redi-  
gitur Collatio ad Principes, & Primarios Fundatores, non in Polonia  
tantum, sed in Germania, Hispania, Gallia.

R. C. iatus Piasecius, de Episcopis loquitur, qui iam, vix alicubi à Capitulis  
eliguntur, sed passim à Principibus denominantur. Abbates verò & alii mona-  
steriorum Præpositi, in omnibus Dominiis Augusti Cæsaris, liberè à conuent. b̃  
eliguntur, quemadmodum videre licet, in vicinis monasteriis, per Silesiam, Mo-  
rauiam, Boemiam, Austriam, Styriam &c. positis, paucis exceptis in Interiori  
Germania, quæ Episcopis Principibus interim commendantur, ut ab hæreticis  
circumiacentibus facilius conseruentur. Hispania quoque ab hac labe, prorsus  
immunis est. Sola Gallia abundat Commendis, in quâ primū consurrexere,  
gravi cum damno Ecclesie universalis.

#### § IX.

IX. Insistit Iuri suo Principes, ut planū sit, ex multiplicatis Præsentati-  
onibus, uti disposuit Cōcil. Tridēt. Per antiquissimū temperis cursū (ver-  
bis concilij loquor) qui hominum memoriam excedit, suarum Maiesta-  
tum præsentationes, successiue à Casimiro Magno, & à Ludouico, qui  
Bozantiam Szeligium, contra Electum à capitulo Novodvorscium ad Se-  
dem Gnesnensem, Urbano VI. præsentauit, atq̃ alii alios Archiepiscopos,  
Episcopos, Abbatesq̃ longā quæ hic non recensetur, quia notā & vulgari  
serie.

R. Semper miscet quadrata rotundis, Singularista, qui ab Episcopis ad Abba-  
tes subdole argumentatur. Sciunt pridem omnes, ad Regem pertinere jus præ-  
sentandi Episcopos; quod verò Clerici Sæculares Abbatibus nunc præponantur,  
res est admodum nova, antiquis incognita, & nostrā memoriā, sub Sigismundo  
Tertio primū introducta. Ex quo tempore, cœperunt multiplicari mala, &  
in claustris cœpit legi Psalmus, Deus venerunt gentes in hæreditatem tuam.

#### § X.

X. Aperuit Campum Abbatia Lubinensis, prout patet ex Statuto Re-  
gni, non ita multo post annum 1460. Cromeri testimonio. Porro cum  
Monachis, inquit, Lubinensibus constitutum, ut ne Abbatem nisi à Rege  
destinatum haberent. Inde adeo hic mos inoleuit posterius in cæteris quoq̃  
Monachis.



Monasterijs totius Poloniae, ut noui Abbates assensum Regis requirant, &c. Quo non obtento Abbatia acquiri minimè potest. Ac proinde posteriori tempore ultra Centum Annos mos inualuit obtinendarum ante Electionem Præsentationum, etiam cum Clausula Cancellariæ ut Hunc & non Alium eligatis: quibus nunquam Monachorum Conuentus, ipsorumque Capitula contradixerunt.

¶ Quamquam Lubinensis Monasterij coacta illa, & horâ vesperarum incon-  
sultè facta, prorsus euania sit promissio, nihil tamen illa continet, quo se Intra-  
re protegere valeant: cum penes monachos libera eligendi de gremio facultas  
in eodem statuto asseratur, confirmandi verò electum, & Episcopo instituendū,  
ac benedicendum Præsentandi Ius, Regiæ Msti: reservatum esse scribatur.

Hanc autem clausulam Cancellariæ Polonæ ut hunc & non alium eligatis, nul-  
libi gentium in usu esse, quia imperij despotici nota est, & non solum electioni  
prudenti & rationabili præiudicium infert, sed ipsum liberum humanum arbi-  
trium tollit

Præsentationes quoque Regiæ, ante Electiones in Canobijs instituendas, obten-  
ta, sicut contra Iuris Ecclesiastici & Civilis formam nunc emanant, ita statum re-  
rum peruertunt, & non claustris modò, sed & toti genti, exitium accelerant.

## § XI.

XI. Ducenti Triginta Anni grande mortalis æui spatium, sufficiunt  
præscriptioni, & firmanr Possessionem Principum ab immemorabili bonæ  
fidei, quia spontaneè, quâ ante Prædecessores Maiestatem gaudebant, Ca-  
semiro Tertio delatam, ut infra patebit.

¶ Præscripsit Regula Sancti Benedicti, quia mille Ducenti anni sunt, quod  
est scripta & per Gregorium Magnum confirmata, atque omnibus ad conversio-  
nis gratiam accedentibus, diligentissimè usque ad finem mundi observanda, eius-  
dem Pontificis autoritate tradita. Hæc Regula cap. 2. docet Qualis debeat  
esse Abbas. & cap. 64. De ordinando Abbate canonem & statutum condi-  
dit, cui derogare nefas, quia dictatum esse à Spiritu Sancto, Universalis credit  
Ecclesia.

Sub hac Regula, pleraque Poloniæ Antiqua Monasteria Benedictinorum &  
Cisterciensium militant, quæ ab annis sexcentis & amplius, Abbates de gremio  
suo lectos, semper habebant; nunc autem Regularibus destituta Prælatiis, ex  
primâ fortuna & decore, nil nisi Antiquum Nomen habent: quæ, merè ca-  
dauera



5  
dauera dixerim, quia truncata capitibus proportionatis, emortua iacent.

Neque illa animari, vel cohonestari sæcularium Prælatorum spiritu & cristis  
& aulico comitatu, unquam in animum induxero, nisi ubi videro, Oues Ceruo-  
rum capita ferre. Non bene adaptat, Humano capiti, ceruicem pictor equinā;  
ita nullus non miratur & qui non dicat monstrum, inter tonsos monachos,  
calamistratos & cincinnatos istos intrusos Abbates.

§ XII.

Pol. Ing.

XII. Regum venustam Maiestatem ornat & illustrat hera premio-  
rum Iustitia distributiva, quā omnes Europæ Principes à Poloniæ Regi-  
bus superantur. Inestimabile illud Solij Regalis pretium. Ac proinde in-  
geni studio & conatu, acrioribus nonnunquam medijs, & iure Guer-  
rico tentum, & defensum à Regibus; ad mentem Statuti Regni, cuius ver-  
ba sunt. Quia tamen tanta est multorum hominum temeritas, tanta re-  
rum & temporum varietas, ut nihil tam solidi obtineri ac ordinari pos-  
sit: quod non turbetur & labescat in posterum, nisi vi & potestate Prin-  
cipum defendatur & manuteneatur.

Et Fistula dulce canit, volucrem dum decipit auceps: ita Singularista, fuca-  
tis verbis laudando, adulatur, ut prædam consequatur. Profectò non est Iustitia  
distributiva, alienum alteri dare. In magna potentia, Regibus minimum licet.  
qui si iuxta illud Brocardicum, agant, Sic volo, sic iubeo, stat pro ratione, vo-  
luntas. ab officio suo deuiant.

§ XIII.

XIII. Plusquam notum est Annalium gnaris, Gruszczygium à Ca-  
simiro Tertio, Regio & excelso spiritu, in vim supremam obfirmato, ad  
Episcopatum Craconiensem, Sirzempinio vitâ functo, contra proteruiā  
Sieninij, & Capitularia vota, in Brzezium prouectum fuisse. Singula  
prolixè narrante Cromero, & alijs Fastorum Scriptoribus. A Casimiri  
Nepote, Sigismundo Augusto, Iacobum Vchanscium ad Cathedram Vla-  
dislaviensem ex Chetmensi translatum: nihilosecius. Porro quoad Abba-  
tias sæpe nimis. Maiorum memoriā & nostrā singuli, quibus Abbatie li-  
beralitate Regiā obtigerunt, hoc meritorum præmio; vigore Nominatio-  
nis Regiæ potiebantur: qui secus; strenuè, ut Reges decuit, repressi sunt.  
Coadiutorem, Gaspari Ieslau Abbatis Oliuensis, Georgium Kostka, Pala-  
tini



*ini Pomerania filium, cooptatum circa Regis assensum, Stephanus Rex Batoreus, per Oratorem suum Demetrium Sulikonium Archiepiscopum Leopoliensem, apud Sixtum V. seriò impediuit, Reinholdus Heydensteinus narrat luculenter, Sigismundus III. sumptis Regni fascibus, Romæ per Ioannem Kucborscium, intimum à Secretis, posthac Episcopum Culmen, in causa Tynecensis Abbatie; quæ non egerit? Qualiter Baranovium Electione Capitulari frustra tumidum & laborantem compescuerit? Qualiter Andream Batoream Cardinalem, in possessionem Abbatie Czeruenensis, vivente Falcki Abbate seniculo, in presentia Nuntij Apostolici Germanici Malaspinae, & Archiepiscopi Gnesnensis Karnkoviij, Plocensisq; Episcopi Baranovij introduxerit? Stanislao Sultovio in manu posienti pacificam possessionem Abbatie Tynecensis parauerit? Vladislaus IV. Niewiarovium Româ redeuntem, ibidem à Nepote Pontificis Innocentij X. benedictum, Abbatia Tremesnensi exturbauerit, & ab agmine militari captum, vinctumq; deduci iusserit, & tres subinde sibi succedentes Abbates spectare & tolerare cogerit. Ioannes Casimirus Piascium, Episcopi Premisliensis ex Fratre Nepotem, Abbatia Claræ Tumbæ exuerit? Psztronium Episcopum Chetmensensem, ope armatâ, Monachis nec quidquam obtinentibus Tynecum introduxerit, quis ignorat? Neq; hæc vis fuit, ubi à Monasterijs vi agebatur.*

*R* Procurator causæ ex se malæ, adscititiis & apparentibus uti solet defensionibus: ita antimonachus Singularista, ut probabile doceat, posse intrudi à Principe Clericos seculares, in locum Abbatum monasteriis, ridicula ex Annalibus eruta exempla sequiori mente adcitat. Et quidem per Gruszcynii indebitam promotionem, magnum & reipublicæ Polonæ incommodum, & auctoritati Ecclesiasticæ & Pontificiæ detrimentum, tum & perniciosum ambitionis exemplum, emerferat. de quo legatur Starouolscius in Vit. Ep. Crac. In Vchanscio quoque non servatus juris recepti trames.

In negotiis verò Abbatiarum Oliuën. Tynecensis, Czeruenensis, Tremesnensis, Claræ tumbæ, non minus peccatum fuit, in quibus absoluta vi, & armatâ ope effectum est, quicquid peractum fuit. & tam odiosa exempla, ad detestationem potius, non ad imitationem recenseri deberent, cum errores corrigendi, non allegandi dicantur. Stant pro monasteriorum tuitione sacra Ecclesiæ jura, quæ, non sine crimine, infringuntur, quando clerici seculares Abbatibus præficiuntur.

Stant



Stant piissimi & sancti Fundatores, qui ingentem vim suis illatam intentionibus, insignemque per hoc iniuriam inflictam religiosis obtestantur.

Memoriâ nostra, iusta causa fuit Tinecensium monachorum cum Pstrokonio Commendatario, ab ipso Romano tribunali agnita & pro parte monachorum, decisa Pstrokonio ad restitutionem omnium prouentuum, ex Abbazia, non expedito Breui, per annos quindecim nulliter perceptorum, condemnato: cui cum sexcenta millia florenorum reuindenda indicerentur, imparem se soluendo sentiens, ad Episcopos Regni supplex accurrerat, ut enixius Io. Casimiro Regi pro se supplicarent, quatenus se iudicio Rotali damnatum per literas Pontifici commendaret, ut nouam gratiam Pstrokonio impertiretur; quod & facere inuitus Princeps adactus fuit, ut cui, aliter sentienti, magna importunitate precu, Antistites vim intulerint. Atque ita recenti commendatione Regis, Pstrokonius apud Pontificem adiutus, condonationem omnium, ante hac nulliter ex Abbazia perceptorum fructuum obtinuit, & nouam gratiam tenendi Abbatiam, hac arte impetrauit. In cuius negotii iudicio, qualia præiudicia religiosis, in Curia Regali Romanaque facta fuerint, extremi tantum iudicii inuolabilis veritas declarabit. Non est æquum proinde, cur iudificationes & sannas faciat Singularista, in causis istarum Abbatiarum, siquidem res illæ, non secundum merita & iustitiæ exigentiam, sed per fauorem & per potentiam, supremâ vi peragebantur.

#### § XIV.

*XIV. Iamque eo res processerunt, ut atque Regia Nominatione, ne Roma quidem tam secularia, quam Regularia beneficia impetrare liceat. Assertum ex Lipsio accipe. Et certe superioribus, inquit, temporibus, usque ad Sigismundi I. imperium, tantum is mos in Curia Rom. impetrandi beneficia, tam Iurisdictionis Laicorum, quam spiritalium inualuerat, ut etiam Legibus à Serenissimis Regibus, Alberto & Alexandro eo nomine promulgatis, vix, imò ne vix quidem prohiberi id potuerit. Prout videre est in Statutis Regni. Donec tandem summo studio ac labore, Sigismundi I. id effectum est, quod ex præscripto Indulti à Sede Apostolica, Summoque Pontifice Clemente VII. impetrati, nullus posthac Cortesanus, quod idem est, in Curia Rom. commorans, huiusmodi Beneficia, quæ Iuris Regij fuerint, tum Laicorum, vel in Mensibus ab eadem Sede Apostolica Ecclesiasticis Personis gratiosè concessis impetrare præsumat. Postmodum Statuto eiusdem Regis Craconie lato Anni 1540. confirmatum fuit,*



*que in huiusmodi Cortesanos contra præscriptum Indulti superius recensiti impetrantes, grauissima poena statuuntur Hucusq; ille.*

¶ A paruis prauis in peius semper itur: ut rectè Romanus Sapiens dixerit, Vbi semel recto deerratum est, in præceptis peruenitur, nec quisquam putat sibi turpe, quod alii fuit fructuosum.

Per aliquam occasionem, intrusio ad Abbatiam facta à Principe quopiam, in sequelam trahi non debet ab aliis; quia id, quod sui natura est illicitum, etiam consuetudine non fit licitum ut habetur c. mala. dist. 8.

Et si Cortesanis, in Curia Romanâ commorantibus, graviter vetitum, ne beneficia Regii iuris, impetrare Romæ præsumant: ita Cortesanis, in aula Regia versantibus, vetandum, ne Abbatis iuris monachorum impetrent in Aula: quia Abbatia & alia Regularia beneficia, Conuentum habentia Electiua sunt, esseque debent; ad quæ Divina vocatione, & fratrum electione prouehuntur, qui præponuntur; Gratosum verò consensum ad hoc, Orthodoxi Principes denegare non debent, quia Dei causa, humano non subest arbitrio.

#### § XV.

*XV. Fulii beneplacito San: Sed: Apost: Spiritualium & secularium, Ordinum Status Regni, reassumptis antiquioribus de Cortesanis Statutis, Leges perpetuas condunt. Abbates Nobiles sunt. Reges ad Abbatis, benemeritos præsentant, Episcopi post facta Abbatum, Abbatis regunt, & à Rege præsentatos instituunt. Perspice Constitutiones quæ tibi diserto & vernaculo sermone rem edisserent.*

¶ Tale Beneplacitum sedis, quale iactat Scriptor, quo leges Ecclesiæ perfringerentur, non credo extare; quia hoc esset, contra auctoritatem Principis Ecclesiastici, & contra suam propriam ordinationem; nam supponitur, quod Pontifex leges Ecclesiæ in scrinio pectoris habeat, & earum observationem promoueat. Non est itaq; credibile, quod ad euertenda Iura Religiosorum, talia Indulta versutè composita, sciens & volens emiseric. absit enim, ut sinceritatem tanti Principis, huiusmodi iniquitate polluamus. Importunitati igitur obstrepentium petitorum, ea indulta, si quæ habentur, adscribenda sunt. Scilicet quod in Curia Principum, assidua sit Mandatorum obreptio. id quod & Iustinianus Imperator conqueritur in l. 1. C. de petit. bonor. sublat. lib. 10. cum conqueritur, sese in uerecunda petentium inhiatione, ad eò constringi, ut etiam non concedenda tribuat. & alibi, preces huiusmodi furtiuas nominat, & potentia eorum qui instant extortas l. 1. C. de fundis limitrophis lib. 11. Accedit, quod Summo

Pon-



Pontifex multitudine arduorum negotiorum, ad omnia per eum emanata non potest advertere; tantisque negotiis distenditur, ut respirare liberè vix possit: mirum pro inde non debet esse, si aliqua circumferatur indulta, de quibus iure præsumi potest, quod ignorante vel non advertente Pontifice edita fuerint; præsertim si contra Iura Ecclesiæ pugnent, vel rem alterius lædant. Cum Papa nunquam tollat Ius alterius, nec in re, nec ad rem, ubi hoc non exprimit, quod Canonistæ docent. Similiter & ipsius Literæ vel Indulta per falsas narrationes obtenta, non tribuunt ius in re, nec ad rem, præsertim in beneficiis: & taliter impetrans non est tutus quo ad Deum, nec debet gaudere in foro fori importunè quæsit. Ratio à DD. datur, quia quod obtinetur per impetrationem, præsumitur obtentum per importunitatem, quæ pariter viciat Gratiā indultī sicut & falsitas, neque potest stare in usu.

Cum itaque evolvant Rescripta, quæ lædunt tertii ius, & leges antiquas impugnant, non sunt illa imputanda Pontifici, qui plerumque imò sæpissimè precum importuna instantia vincitur, ac potius decipitur. l. 1. c. de petit. bonor. sublat. lib. 1. c. de testanda. de conces. præb. in 6. & c. per ambiciosam. de rescript. Et quia ipse credit conscientie impetrantis: quæ conscientia si fallit, à se ipsa fallitur. Concessio itaque Pontificis, sine sufficienti causa, non tenet in foro conscientie, quod non fit ex defectu potestatis dispensat iuxta Papæ, quæ omnino apud eum residet, sed ex defectu voluntatis; quia fuit per importunitatem, subreptionem vel obreptionem inductus ad concessionem. Chokier in reg. 8. Cancel. n. 18.

Quod verò spectat ad leges Polonorum, hoc quoque notandum est, quod Leges apud nos in immensa volumina excrevere, tamen quas probes vel improbes, adhuc in controuerso est; cum pleræque ex opposito pugnent, cum lege Divina, Naturali, Iure Canonico & Cæsareo, imò & cum ipsa Ratione. multæ enim ex privatorum commodorum causa natæ, ac intrusæ potius, quam latæ, sanum consensum & publicum nondum obtinere: ut & ipsi Politici, omnino corrigendas esse iudicent. modò rationes & modi in illis emendandis, abrogandis & disponendis faciles inuenirentur.

Licet ex his ipsis, quæ hic citantur, considerare, quàm iniquæ, Ecclesiasticis sanctionibus & omni antiquitati contrariæ; quas tamen singulator, vult esse perpetuas, sub beneplacito sedis conditas, ac quasi medullas legum, & oracula coelo laudante probata; cum tamen illæ dignæ sint risu, novæ & à Novatoribus Lutheranâ & Calvinianâ hæresi afflatis Consiliariis, qui eo tempore in senatum irreferant, consutæ, & in codicem constitutionum ingrossatæ. Similesque Anglicanis legibus, quibus decernitur. Qui se Catholicum asseruerit in exilium pellitor. Monachi si inveniuntur suspendantur. Emendi & vendendi licentia Papistis ne de-



tur. &c. quæ cum sint contra Deum & conscientiam, contra rationem & pietatē  
lata, insanæ, atroces & barbaræ existimantur. Neque istæ Sapientiores habendæ:  
Abbates nobiles sunt. hac nouellâ constitutione, antiquius & sanctius statutum  
habemus, quo iubetur, Abbates religiosi & virtuosi sunt.

Reges, ad Abbatis, benemeritos præsentant. Sicut in castris, bene meri-  
tos premiandos esse, sic in claustris, benè meritos præficiendos, lumen rectæ,  
rationis monstrat. Et si non debeat dici, Præmium, Prælat' o in Religione, sed  
onus, sicut S. Benedictus c. 2. docet. Sciat Abbas, quàm difficilem & arduam rem  
suscepit, regere animas, & multorum seruire moribus.

Episcopi post fata Abbatum, Abbatis regunt. multorum Pontificum decre-  
ta habemus, quibus Episcopi seriò prohibentur. ne Regularium quietem pertur-  
bent, vel obeunte Abbate, in describendis peruidendisq; rebus monasterii, aut  
prouentibus & bonis regendis aliquatenus se intromittant.

#### § XVI.

*XVI. Agebatur de abrogatione horum Regni Statutorum & Legum  
in Synodis Prouincialibus enixâ Abbatum & Plebeiorum Monachorum  
curâ; sed prisca Consuetudo firma stetit & inconcussa, Diplomatis à  
Leone X. per Ioannem à Lasko, & ab Urbano VII. per Erasmus Cio-  
dek Regum nomine impetratis, omnes illas de Electionibus Abbatum &  
Plebeiorum non Constitutiones, sed potius Cohortationes, seu melius Con-  
sultationes & totum de Electionibus Titulum Lib. Constit. Prouin. com-  
prehensum, euacuauit.*

**R** Sacer Senatus in Synodis Prouincialibus congregatus, rectè damnauit Ci-  
uilia illa statuta Comitiū, quæ ab hæreticis & profanis hominibus, contra le-  
ges Ecclesiæ & omnem æquitatem lata sunt. Certè grauib. verbis exaggerat,  
injuriam inflictam monasteriis, Petricouiensis Synodus Anni 1551. tum & subse-  
quentis anni 1556 alia Louiciensis Synodus clericorum secularium execrabilem  
ambitionem detestatur; decretumq; in utraq; Prouinciali Synodo, ut non attentis  
suppositiis istis legibus per hostes Ecclesiæ subreptitiè in Codicem Constitutionū  
protrusis, res monasteriorum canonico modo, antiquo receptoq; usu perage-  
rentur.

Decreta autem illa Synodalia, non tantum Abbatum & Plebeiorum mona-  
chorum Cura, ut imponit aduersarius, sed tot Antistitum Regni & sacrorum ho-  
minum iudicio firmata steterunt, quibus etiam robur perpetuæ firmitatis, con-  
firmatio Romanæ sedis accessit. Neq; Leo X. vel Urbanus VII. per sua Rescri-

pta,



pta, eisdem derogarunt, neque euacuata ullo pacto existunt; quanquam adhuc contrarium, in facto fiat, & intrusi in Abbatis delitescant, prævalente iniquitate temporum; sed spes affulget, ut ad suum statum statutamque res redeant, & breui ambitio & auaritia profani cleri detumescat.

## § XVII.

*XVII. Talis consuetudo etiam Privilegia euacuat: uti expertus Iuris Episcopus Præmissien. Paulus Piascius tradit. Sed maxime, inquit, circa ista Privilegia aduertendum est, an fuerint in usu, in loco ubi controuertitur. Si enim adesset Consuetudo contraria, illa derogaret etiam talibus privilegiis, & esset tenenda.*

¶ Perperam videtur intellexisse singularista Consuetudinis vim & effectus; tamen si enim continuò Consuetudinem alleget & crepet, sed eam improbam & derestabilem quod, ut & ipse agnoscat & confiteatur, paulò prolixius De Consuetudine.

Iustinianus definit Consuetudinem, esse diuturnos mores, consensu utentium comprobatos. Exinde ista requiruntur, ut Consuetudo inducatur, Diuturnitas temporis, Actuum frequentia, Causa rationabilis & Consensus Principis.

Est autem triplex Consuetudo, vel præter legem, & talis novum jus constituit; vel secundum legem, & talis ius dubium interpretatur; vel est consuetudo contra legem, & talis legem tollit. Non tollit autem, Naturalem, aut Divinam legem, quandoquidem Consuetudo ad ius humanum spectat, & ab humana potestate pendeat, sed Solam Humanam legem siue Civilem, siue Ecclesiasticam, dum modo consuetudo sit iusta & rationabilis.

Vt Regularibus Superiores æquè Regulares præsent, lex quidem est Humana, Ecclesiastica, sed à Sanctis legislatoribus Benedicto, Augustino, Basilio, Francisco lata, & à Summis Pontificibus approbata & canonisata. Quam legem, ut contraria consuetudo, quæ Clerici seculares præficiuntur Regularibus, abroget & tollat per desuetudinem, opus est, ut talis consuetudo sit diuturna, multis actibus roborata, rationabilis, & tandem ut accedat consensus Principis Ecclesiastici qui est Papa.

Sed ista consuetudo in Polonia, intrudendi clericos seculares, in locum Abbatum & Præpositorum regularium, deficit in his.

Et inprimis, quod spectat ad Temporis longævitatatem, multi superuiunt, qui primum Intrusos Abbates conspexere, regnante Sigismundo Tertio: Tamen verò, utroque Iure, tam Civili quam Canonico determinatum sit, quantum tempo-



temporis requiratur ad Præscriptionem, neutro tamen definitum est, quantum requiratur ad Consuetudinem inducendam, quæ legem nouam faciat, ab rogando antiquiorem. Similiter non est definitum, quot Actus requirantur ad talem consuetudinem, sed utrumq; Iudicis arbitrio relictum manet. arg. l. 1. D. de iure deliberandi.

Quantum verò ad Actus attinet, qui inducant Consuetudinem, requirunt Canonistæ ut Actus illi sint uniformes, quia ex Actibus qui difformiter successerunt, remanet dubium, quid seruari in facto debeat: cum tamen, sicut Lex, ita & Consuetudo debeat esse clara & certa, non autem obscura & dubia. Et ideo Consuetudo, quæ non fuit conformis, non attenditur. Surd. Conf. 449. n. 7. ubi plures cit. Similiter non inducitur Consuetudo, ex controuersis aut turbidis Actibus, vel qui à merâ facultate, & potentiâ regnantis, vel ex tolerantia subiectorum procedunt. Farinac. 1. parte Decis. 112. quia multa sunt per vim & potentiam à Principibus, quæ non licent, & plura per patientiam tolerantur, quæ si in iudicium deducantur, exigente Iustitia, tolerari non debent. c. cum iam dudum. De præbend. Debent quoque Actus esse usitati publicè, & à multis frequentati Principibus; ut inde dici possit, interuenisse, tacitus maioris partis populi subiecti consensus. Farinac. Decis. 155. imò debent Actus isti fieri, Animo inducendi consuetudinem. Abbas c. finali, de Consuetud.

II. Vt Consuetudo, contra legem expressam, valeat, requiritur ut sit Rationalis, uti patet ex c. ult. de elect. tum ex eo, quod vim legis habere debeat, & pro lege scripta suscipi: atqui Ratio, est Anima legis, ideo & Consuetudo, quæ est contra rationem aut veritatem, nullius est momenti. Rationalis verò illa censetur Consuetudo, quæ non obuiat vel contradicit Canonicis institutis: ita Glos. in c. fin. de consuet. Hoc ipsum autem, quod prohibitum est Iure Canonico, prohibitum censetur etiam, Iure Diuino. Lancelot. de consuetud.

Porro Irrationalis consuetudo est, quæ reprobatur à Iure, ut in c. ex parte nostra. de Consuet. Et illa quæ est onerosa & molesta & ex qua sequuntur aliqua inconuenientia. c. cum inter nos. de consuet. Et generaliter loquendo, irrationabilis consuetudo est, ubi fit aliquid contra morem Ecclesiæ, vel contra libertatem eiusdem Ecclesiæ, vel contra disciplinam ipsius, & Sanctorum Patrum instituta. c. cum terra. de elect. Quæ consuetudo, etiamsi tanti temporis esset, ut eius initii non extaret memoria, non debet tamen reputari pro rationali, iustaq; quia quod primò & secundò & tertio non licuit, licitum ex tempore non fit, & quod per errorem fieri cœpit, erroneè continuatur, tantoq; grauior error, quanto diuturnior est.

Denique



Denique ut Rationabilis Consuetudo sit, debet habere conditiones legis, enumeratas partim in c. consuetudo. Dist. 1. partim in c. erit autem lex Dist. 4. quandoquidem legis auctoritatem debet habere.

III. Ut Consuetudo Iuri prævaleat Antiquo, debet introduci per rectam scientiam, & non per errorem; quia error vetustus, semper est error, qui debet corrigi, non imitari vel iterari.

Ethinc Quæstio illa, Vtrum valeat consuetudo, quod non fiat correctio? Resolutionem habet, quod non valeat, per textum mirabilem in c. irrefragabili de off. ordin.

Vel utrum Monachus aliquomodo possit esse Dominus eorum, quæ lucratur prædicando, serviendo &c. si consueverint alij taliter acquisita, propria reputare. R. quod non possit: Quia est contra substantiam status, contra naturam Monachorum.

Vel dum quæritur, Vtrum Pontifex Privilegium fori Clericorum ab eis tollere possit? Clarum patet, quod non. quia auferret, quod non dedit.

Vel utrum consuetudo contra Decalogi præceptum, etiam immemorabilis & generalis totius orbis valeat? R. Non. Quia certum est, omnem Consuetudinem contrariam Legi naturali vel Divinæ, vel consequentibus necessariò ex illis, Corruptelâ esse: quæ tantò perniciosior est, quò diutius durat. arg. c. ult. de elect.

Hinc patet, pravam consuetudinem non ligare, neque alicuius momenti esse, neque quidquam valere, sed vetustatem erroris esse appellandam; tamen illa Iuramento, vel statuto firmaretur. quia, quod sui naturâ illicitum est, consuetudine non fit licitum. d. c. mala. de consuet. Quamquam DD. concedant, quod etiam Prava Consuetudo, excuset à pænâ temporali & huius mundi; præsertim, quando Pravitas consuetudinis per Ius non est declarata: nunquam tamen excusare potest, à pænâ Gehennali & apud Deum, in alio mundo.

IV. ut Consuetudo inducatur contraria legi & usui priori, illumq; aboleat, requiritur Scientia principis, & eius saltem tacitus consensus; qualem Principem in rebus Ecclesiæ, & monasteriorum Papam, agnoscimus ut qui pro Deo est. Et quidem scientia in eo requiritur certa & sufficiens, nec per errorem obrepens, quia aliter nec Voluntas eius adesse, nec præsumi potest eius consensus, si & usus non sit ei manifestus. Et ratio est, quia circa res Ecclesiæ, leges condere vel illas abrogare, Pontificium est; proinde consuetudo, quæ canonem De ordinandis Abbatibus tollere nititur, debet ei esse nota & in quam consentiat: consentire verò cen in rem universali Ecclesiæ damnosam, & multis injuriosam, nunquam præsumendum est.

C

Atq;

Atq; hac doctrinâ suppositâ, præ asserta Consuetudo in Polonia, vbi Clerici seculares in Abbates claustris imponuntur, contra antiquam Ecclesiæ decretum, quo soli professi monachi præfici iubentur, merito dubitatur, An sit talis consuetudo, quæ legem illam antiquam de monachis Abbatibus, abrogare valeat, & nouum ius, Præponendi seculares, constituere possit?

Et absolute Dico, istam Consuetudinem esse prauam, irrationabilem, Ecclesiæ & reipublicæ perniciosam, in hoc Regno novam, per vim introductam, multorum malorum generatiuam &c. proinde corrigendam, non verò allegandam, quod & aduersarius noster, qui ei innititur, faceri debet.

#### § XVIII.

*XVIII. Cum impetrarentur à Summis Pontificibus Diplomata, cum conderentur Statuta, & Leges, cum laboraretur in Synodis, in æstu controuersiarum: Consuetudo immarcescibilis vixit. Abbates gente Nobiles, à Regibus Nominatos Abbatibus præfuisse, ipsis Monasteriorum Cælibus sic volentibus. Electi cum scitu Loci Ordinariorum prout lex latet. Pro veritate & in comprobationem relatorum, unicum Episcopatus Posnaniensis stet Archiuum, quanquam & Viadislauicse plura suppeditat, quæ subijcere hic fastidium vetat. Ab Anno 1442. ad Annum 1612. & infra ex nominatione Regia, & intimatione Episcoporum, Abbates electos fuisse constat. Namq; anno præmemorato Die 28 Decembris Nicolaus Abbas Lubinen: in manus Andreae Episcopi Posnaniensis Abbatiam resignauit, & de nouo Abbate provideri postulat. Anno 1552. Petrus Kamienski Bledzeuiensis, & Io. Bielecki, cū consensu Benedicti Izbinski Episcopi. Anno 1558. Stanislaus Wierzbinski Paradisien. cum consensu Czankouii, & Anno 1560. Ioannes Węgorzewski Præmetensis. Anno 1570. Lucas Koscielecki Lubinensis, cum consensu Konarii Episcopi. Anno 1577. Ioannes Bronikowski. Anno 1579. Andreas Koscielecki. Anno 1594. Sebastianus Grabowiecki Bledzeuiensis, cum consensu Lucae Koscielecki. Anno 1597. Ioannes Erzeznicki Præmetensis. Anno 1604. Iacobus Łempicki Lubinensis. & Christ phorus Karsnicki, cum consensu Goslicij. Anno. 1607. Stephanus Charbicki Præmetensis. Ioannes Dłuski Bledzeuiensis Abbaties, ex Nominatione Regia Electi, &*

con-



constituti, usq; ad Constitutionem hoc eodem Anno 1607. latam, finaliter ac postmodum successivè instituti & introducti fuere. Ita res, prius scâ Consuetudine & legibus firmata obtinuit, & hodie etiamnum tenet.

R Singularista Abbates aliquot ex Archiivo Posnaniensi educit, in comprobationem assertæ suæ consuetudinis; sed umbras solas pandit; nam pleriq; illorum, ante fuere vel actuales monachi, vel à Conuentibus postulati, tum Rege confirmante, non verò nominante, sicut nunc fit Vt hunc & non alium, sedes Abbatiales infedisse.

## § XIX.

XIX. Scis? quibus sedes Episcopales, & Curules Senatorios designavit in Polonia, Leo X. in Bulla Provinciali Lib. I. Constit: Synod. inserta & recepta. Qui, inquit, Consilio, verbo, Autoritate, & Exemplo præ sint. Pari passu Abbates cateriq; Prælati seculares, cum in Procerum consensu Censoriam Dignitatem, & Vicariam Regis Potestatem, sub Iudicis Tribunalicis gerunt, generis Fr sipia pares sint, est necesse.

R Quales Episcopos in senatum cooptari vult Leo X. tales & Abbates monachis præponi æquisimum est, qui in rebus monasteriorum suorum, consilio, verbo, autoritate & exemplo præ sint. Iam vero Boni & Veri Abbates, nunquam in Iudices Tribunalis deputari ambiunt, sed si deputentur, integerrimè versari consueverunt, uti decet profectos religionem & pietatis candorem. Profapia autem generis, quamquam omnes Abbates monachos, quos norim habere sciam, non eam tamen Thraconicè iactant, quia virtute malunt quam sanguine niti.

## § XX.

XX. Quamobrem Constitutiones illæ seu potius Consultationes de Electionibus Abbatum evanide, antiquatæ, nunquam ad usum aut in Praxim reductæ, in desuetudinem abierunt, prout ex posterioribus Constitutionibus patet. De Abbatibus, Vacantibus. De præsidentia Electionum, non absq; Regis Nominatione iniimandarum & peragendarum. De Iudicibus Tribunalis Regni. De interessenti Episcoporum Comitibus, à quibus illæ vetustiores suffocata, & ut gliscenti obviaretur hæresi ab Episcopis cui subsequenti sublate.

R Constitutiones illæ Synodales, sacræ & ab Episcopis totoq; Regni clero

concorditer factæ, à sede etiam Apostolica confirmatæ, in suo robore manent; tamen si prævaricatio damnabilis & non ferenda prauorum ambitio, in eas peccare non desistat: at futurum melius æuum non desperamus, quin in antiquâ praxim usumq; restituantur. Illa verò statuta civilia, quæ profani auarique homines, quin & in fide suspecti procuderunt, cum sint Ecclesiæ Dei exitialia, Regno huic incommoda, omnibus probis inuisa eradenda expungendaq; in brevi credimus, & res apud nos, moribus antiquis currere, Deo annuente ipe-ctabimus.

## § XXI.

*XXI. Neq; corruptela dici potest illa Consuetudo, quàm sana Ratio conseruanda Religionis Catholica, & totius Reip. integritatis asserende inuexit. Cùm non aliter Hereticis & Schismaticis in Regno præpotentibus resisti. Bona munificâ Principum manu & Procerum liberalitate collata ab Inuasionibus defendi, à licentia & direptione militari protegi, ab oneribus belicis vindicari, immunitatem locis sacris, & personis Ecclesiasticis seruientem inconcussam seruari, extremis Ecclesiæ & Reipublicæ casibus subueniri potuerit, nisi ut sanguine præpotentes, cognationibus validi, opulenti Opulentum tuerentur Patrimonium Christi.*

*R* ò Homo, magna te dementia tenet, dum hoc garris & laudas, quod omnes ridet & damnant! ubi Intrusi Abbates conseruandæ Religioni Catholica operam vel minimam dedere? vel quando à militari direptione claustra protexere? Reliqua, quæ ventosè scribis, euanida sunt: benè vident omnes, quod in Poloniâ Viri & Heroes sanguine præpotentes, cognationibusq; validi & opulenti, de suis patrimoniis sufficientes sibi, contenti manent hereditariis bonis; soli verò inopes & tenuioris fortis homines, cum præ egestate domesticâ, emergendi in publicum non habeant alium modum, togam clericalem induere solent & aula Regiæ limina observare, intenti ad omnem occasionem, ut datâ vacatione alicuius Abbatia, Abbates nominentur, & titulo gaudeant, & pinguescant ex patrimonio Christi. idq; adeò verum est, ut passim dicatur de talibus, qui ex pauperioribus euadunt animosiores, Pinguis est panis Christi.

## § XXII.

*XXII. Insuperatus res spiritualis, secularibus Personis ab Ecclesia Dei concessa non aliam ob causam, nisi ut egestate pressis subuenire.*



tur Patronis. Crediderim morale fuisse ultra lucrum Animæ, cuiq; Abbatiarum Fundatori; ut facientes Familie amplo & copioso reditu, earundem releuarentur. Et Nobilium furculi eruditionis & literaturæ subsidii utilitati Reip. succreturi expoliantur; idonei postmodum togæ sagæq; belisq; gerendis. Aduerte verba. Statui Tit. spiritualis. Cum magna pars, inquit, Reipubl. nostræ in ordine & Statu Ecclesiastico consistat. Ecclesiæq; Regni Nostri, per Antecessores Nostros, sint ampliter dotata: cum ad diuinum cultum peragendum & manu tenendum, tum etiam ad Viros literatos & idoneos, maximè verò Nobiles promouendos, quorum pauci essent quibus & animus, vel facultas esset literis incumbendi & alia studia per quæ emergitur sectandi, nisi bona Ecclesiastica, non solùm facultatem vivendi, sed etiam opem multis se & suos subleuandi præstarent. Vnde Nobilitas Regni, quæ potissima est istius Regni portio, & cuius Domus & Familie partim multiplicatione prolis, partim etiam alijs euentibus plerumq; extenuari solent, præcipuum habeat status & prouectibus sue subsidium & adiumentum: ac cum successu temporis multi indigni homines Variis artibus & præsertim Romanis impetrationibus, sese ad Sacerdotia ingererent, ac illa Viris dignis & idoneis præriperent. Antecessores Nostri multiplicibus Statutis, & pænis grauissimis Collationes suas, & subditorum sæcularium, asseruerunt ac defenderunt.

R Non hæc causâ movit Ecclesiam, quod ius patronatus laicis concesserit; ut illis egentibus subveniretur de fructibus Ecclesiarum; sed remunerationis cuiusdam & gratitudinis ergò, ut hac ratione magis prouocentur laici, ad fundandas & dotandas Ecclesias: quod verò egens factus Collator, ab Ecclesia aliquando stipem petere possit & subsidium, ad hoc quoque tenetur Ecclesia, præcepto charitatis & vi gratitudinis.

Cæterum constanter affirmo, si pii fundatores monasteriorum, scivissent futurum aliquando tempus, ut amplo & copioso reditu, ab illis, monasterio & religiosis donato, ali & sustentari vanitatis sectatores & profani homines deberent, nunquam se expoliassent, ut tales ditarent. Sed crediderunt, nunquam eò temeritatis mortales processuros, ut quod illi Dei causâ, pro animæ suæ com-

modo, pro redemptione suorum peccaminum, pro subsidio pauperum, in elemosynam monachis liberaliter contulerunt, hoc in pompam & luxum cleri secularis auderent conuertere.

### § XXIII.

**XXIII.** *Mixtus est in Regno Poloniae Reip. Status, longè diuersa ab aliis Rebuspub. facie. Subsellia in Senatu, & in Iudiciis Regni Tribunalitiis, Spirituales primi capere, & ubi desunt multa desunt. In ea dignitate, pro dignitate, quâ ratione muniis sufficerent cum equos, famulitium suppellectilem, comensu censere, sumptibus quotidianis exhauriri, curis in publicum impensis, domestica deserere, aliis inseruiendo consumi, aliorumq; Officio sibi officere, extra seipsum viuere, pene sunt adstricti.*

**R** Hæc allegatio, sicut & pleræq; alia, nil facit ad propositum. Abbates Regni nostri, subsellia in Senatu non occupant, neq; ad Tribunalia, nisi deputentur, veniunt: non est opus itaque eis, currus & equites censere, ac stipari maiori famulitio, quam illorum vocationem deceat: sed vacare Deo, interesse choro, & fratrum conuentum dirigere, proprium munus Abbatum est; à sæculi verò actibus, uti Regala iubet, alienos se facere, obligantur.

### § XXIV.

**XXIV.** *Si priuatis & prolevariis Abbatie atq; alie Prelatura cederent, Senatui minorari, Tribunal Regni attenuari, Aulam deseruerneremus. Sic fraudaretur Cancellarius Ecclesiasticus & alter Maiestatis Reginalis, Secretarius Magnus, Reserendarius Regni, Notarius Thesauri, Secretarii, Commissarii, Iudices Parlamentarii, Assessores Iudiciorum, Residentes in exteris, & alii Curiales intimi, in obsequio Regis, & Reipub. attritus Patrimoniis, omni spe pramii, & adminiculi excluderentur. Senatus Consiliariis, Rex Ministris, Tribunal Iudicibus, Subsellia Assessoribus diminuta, pristino splendore exuerentur.*

**R** Tumescit instar ranae Æsopica scriptor, & verba vendit. Sed dic sodes quæso? quomodo prisco illo ævo, monachi Albatifabant & tota respublica Polona, in maiori flore erat, cum tamen subsidia & substructuras, Aula Regiæ minifiri, à claustris non requirerent? at multiplicati nunc sunt Curiales Clerici, & omnes famelici, qui per unum tramitem in altum contendunt, sua obsequia Aula ultro offerendo, ut Abbatibus quandoq; potiantur.

Me-



Memini quendam Palatinum super hac re dixisse; Clericos in Aula & in Comitibus ita numerosos esse, ut suis non necessariis officiis, multis officiant, qui defertis Plebanis & Canonicis, ad prædam quasi, in aulam convolant, absque quibus publica res melius disponderetur. Recte ne dixerit, non imprudens homo, non disquiro, est tamen evidens, quod Curiales Clerici ita se gerunt, sicut passeres in tritico agricolarum

## § XXV.

XXV. Episcopi tenuiores *augustâ re domi, foris in publicum prodire, Consilia opportuna subtrahere, Residentiam ad latus Regis lege cautâ omittere. Particulares & Generales Conventus, ad quos sub pœna Mile Marcarum per Constitutionem. Vltimæ Synodi Węzykowsianæ à summo Pontifice Urbano VIII. approbatæ irrogatâ, venire tenentur; refugere, nullius esse usus publici cogerentur. Ita Religio, Ecclesia, Reip. administratio, Consultationes in publicum, Bona Spiritualium, Familiarum decus periclitarentur.*

R Antiores Regni poloniæ Episcopi, ditiores modernis nunquam fuerunt, & tamen plura Abbatia monasteria fundarunt & dotarunt: moderni verò, habent auctiores proventus, quam aliorum Regnorum Episcopi, ex quibus congruè sustentari possunt, modo vivatur, ad necessitatem, non ad opinionem vel pompam. nam de Gamrato, rectè Starovolicius scripsit, quod obsequiorum aulicorum sedulitate evicerat, ut simul utramque ditissimam sedem, Cracoviensem & Gnesnensem tenuerit, nihilominus oberratus è vitâ cessit: quia (inquit ille) in aula sua, symphonistas, paralitos, sycophantas, mimos atque ludiones fovebat.

## § XXVI.

XXVI. Regis Maiestati *quandùm decederet, ademptâ collatione Abbatiarum & Episcopatus sequerentur. Caterum Parochialibus beneficiis rigore gratiarum delatis ad locorum Ordinarios, nihil residui Regibus præter sæculares Vacantias, quæ pravo exemplo per Palatinatus Electionem expeierent, relinquereur. Potior Commissarii Ordinis Regularis munificentia foret, qui Abbatias pro arbitrio dispenseret. Secretarius (ut vocant) Pronunciæ desigicaret. Illa iustitiæ distributiæ amplius, quàm principe Europa Rex Polonia superabat, evanesceret.*

**R** Priori illo aureo sæculo, æquè venusta fuit Regum Maiestas; et si abstinent à Nominationibus: neq; modo coarctata est manus eorundem, quin remunerari valeant, necessarios Aulae suae ministros; modo & ipsi ministri, contenti velint esse, proportionatis sibi stipendiis, & non affectent sibi verita.

## § XXVII.

**XXVII.** Statuta Regni hoc in passu dant rationes late Legis. Vbi igitur Ratio qua est mens & anima Legis locum habuit, ibi habet locum Legis dispositio, etiamsi esset contra ius Commune. Hec legistarum placitum eruditè illustrat insignis Iure consultus. Aloys. Kiccius Neap. in Prax. Rev. quotid. Ref: 452. Antiqu. edit

**R** Ridicula illa statuta, nullam rationem iustam, ex qua Abbatia secularibus Clericis dandæ essent, continent, proinde irrationabilia & temeraria sunt, imò execrabilia & excommunicata: cum Sacri Canones, omnes secularis & profani Ordinis homines, excommunicatos esse, decernant, quoquomodo audentes aut præsumentes facere statuta præiudiciota in rebus Ecclesiæ, super quas potestatem non habent. Fuisse autem iniquissimas leges illas, à iolis laicis, eisq; Rokosianis latas, Protestationes Antistitem, contra eas factæ declarant.

## § XXVIII.

**XXVIII.** Prisco illo ævo Electiones Monachorum triguisse non ambigitur. Cum à primordiis Christianæ Religionis Archiepiscopatus, Episcopatus, Abbatias, Itali, Galli, Alemanni, gubernarent: Fidei mysteriorum & politioris literatura calidiores Polonis: quibus, ut antea ipsismet simplicitas rudis antefuit. Pariter & in Civilibus iura Teutonica, Saxonica Magdeburgensia inuacta, & cuiq; potiori Civitati Germani Praefides, Consulesq; erant. Acta quoq; publica linguâ Flamengâ scribebantur. Ævo politiore, & cum externi insolescerent, vel parvis abuterentur; Respublica correxit seipsam, ambitus externorum repressit Classes Ordinum in Senatorium Equestrem & Plebeium diuisi, leges tulit, quæ futura respiciunt non præterita. Hinc Plebey manere in sua Classe iussi. Nam spiritualis Nobilis tantum est (ut vocant legiste) fictione Iuris.

**R** Sicut aurum non adulterinum, sic ætas præterita, præsentī melior fuit: & quemadmodum, moribus antiquis, stabat res Romana, virisq; ita ò utinam starent res Polonorum, iuxta veteres mores. ast noui, prauisq; introducti, de quibus



quibus Maiores nostri nunquam cogitarunt; propter quos etiam res nostrae in  
peius collabuntur. Multae Prouinciæ à seipso Regni sunt auulsæ, quia virtus  
bellica inter Equites decreuit, qui solâ opinione Nobilitatis tumidi, cum sibi o-  
mnia arrogent, galeas depoliuerunt & arma, & de sola nobilitate & sanguine ge-  
neris inter eos disceptatur.

Contrario verò modo, gens Turcica progreditur, quæ natales suos, suam  
fortunam esse ducit. apud quos etiam, illi qui rerum primas à Principe tenent,  
ferè sunt pastorum aut bubalcorum filii, de quo tantum abest, ut eos pudeat,  
ut etiam inter se glorientur, eosque plus sibi tribuunt, quod minus maioribus, aut  
natalium fortunæ debent. Neque enim aut nasci, aut propagari traducine virtu-  
tem putant, sed partim à Deo dari, partim bonâ disciplinâ, multoque labore  
& studio comparari; utque paternam artem nullam, non Musicam, non Ar-  
ithmeticam, non Geometriam, sic nec virtutem ad filium, aut heredem tran-  
sire, nec animam ex semine paterno suscitari, ut filium patris similem nasci  
necesse sit, sed cilius in corpus infundi credunt. Igitur, eâ in genere, dignita-  
tes, honores, magistratus, virtutum & meritorum præmia sunt; improbitas,  
ignavia, inertia, nullo honore penitantur, iacent, contemnunturque. ergo illi res  
bene gestis florent, dominantur, imperii fines quotidie proferunt. apud nos  
aliis viuunt moribus, virtuti nihil est relictum loci, omnia natalibus deferun-  
tur, & opinione natalium, omnes honoris aditus occupantur.

#### § XXIX.

XXIX. Plebei Abbates ignauia diffuebant & diuitiis. Alemanni  
proximè labe Lutheranismi aperi, aut in sacris nutantes Bona Abba-  
tiarum emungebant & discerpebant. Reditus opimi extra fines effere-  
bantur. Quiquid quæsum sibi ad priuatos usus intuitu Monasterio-  
rum vetitâ testandi facultate acquirerebatur. Quâ re Antistitum Con-  
cilium sub Gambraco cognita statuit Prouinciale Edictum. Cum plerique,  
ait, Abbates Præpositi & Abbatissa, villas & Bona Monasteriorum su-  
orum, & iurispatronatus Ecclesiarum hætenis alienarunt, &c. De-  
cernit hæc Synodus, ut DD. Episcopi Monitoria contra tales Abbates &c.  
Decernant. Ex quo legem illam plurimum proficiam. Post mortem Ab-  
batis vel Præpositi Regularis Loci Ordinarii bonum ordinem Monaste-  
riorum curent, Proueniens in potestate Monachorum relictis. Electio-

*nem verò Episcopi morte defuncti Abbatis significatâ, quamprimum indicant, de eoq; cum Rege communicent, & Consuetudinem veterem obseruent. Electum competenter Regi significant, à Rege presentatum instituunt. Legem inquam illam non aspernati, obseruant; & in usu etiamnum hodie habent. Recurre ad Constitutiones Regni 1550. & 1588.*

*R* Sicut lolium inter triticum, ita in catibus regularium peruigilium, remissiores inueniuntur quandoq; qui vel immoderatione offendunt, vel ignavia marcescunt: soletq; imperfectio ista, aliquos etiam Abbates corripere. Sed nunquid Abbates intrusi, meliores censendi sunt? qui semper in mundana conuersatione degentes, non quæ spiritus sunt, sapiunt, sed quæ carnis & mundi illecebræ suadent.

## XXX.

**XXX.** *Palam obscurioris conditionis Clerici, & alij Presbyteri, è castris Illustrum Virorum ab Episcopis amoti, cum Ecclesiarum Cathedralium Statuta conderent approbarentq;, De non recipiendis Plebeis inter Canonicos, ex quibus creantur Episcopi & Abbates, indicant qui & quæle Abbatibus gubernandis designantur.*

*R* Plura sunt apud Polonos, eiusmodi Statuta, quæ non tantum Divinæ iustitiæ rigorem mitigare præsumunt, verum & Deo cunctipotenti, eripere gestiunt facultatem istam, ne agat Deus quod potest. Cum enim in voluntate & determinatione ipsius positum sit, etiam de stercore erigere pauperem, & talem, cum voluerit, collocare posse cum Regibus & Principibus terræ; soli Poloni contradicunt & decernunt statuta, ne plebeis apud eos hominibus ad aliquas dignitates, tam Civiles quam Ecclesiasticas, aditus patere debeat, tametsi virtutibus & eruditione ita excellent, ut pauci ex nobilitate cum eis comparari possint. Fortasse à Malabaribus Indis has legum sanctiones mutarunt, quos Orosius de gestis Emmanuelis Regis lib. 2. scribit, vel potius deridet, ita nobilitatem à maioribus acceptam metiri & circumscribere, ut neq; nobilitatem obscurari flagitiis, neq; generis nobilitatem illustrari virtutibus, credant; sed omnibus illa conditio necessario sit subeunda, in quâ Majores eorum versati sunt.

Hac præuentum indole, quædem Praesulem Poloniae, scribit in Alloq. Ofecen. Chocius, qui postquam pulsus esset à Cathedralibus Ecclesiis plebei, quamvis doctissimi & pietate commendatissimi Viri, apud Regem Sigismundum Primum

obtinere



obtinere voluit, ut more Iuliani Apostatae, plebeiis, tanquam hi Christiani non essent, scholis & gymnasijs bonarum artium interdiceret: cuius postulationi iniusta, Rex obstitit. non multos Sacerdotes se reperturum in suo Regno affirmas, qui essent Parochi tenentorum villarum, vel vicarii aut Cantores, à quorum officiis Nobiles abhorrere solent.

Ac Civiles quid an magistratus, esto solis Nobilibus genere conferantur, cum haec munia mundana sint & poenitentiam recedant; exterum in Ecclesiasticis functionibus, virtus sola & merita considerari debent, cum diversa ratio sit spiritualis status, à profano laicali. Et ut ad caput nostrum, obtutus reflectamus nostrus, Christus Dominus ad Apostolatam, qui est summus in Ecclesia gradus, nullum legitur delegisse sibi alicuius nobili, vel illustris, sed potius piscatores humiles & abiectos. Piscatores, piscatorumque filij fuerunt Petrus Apostolus & Ioannes Evangelista, tantaque postea divinae gratiae affecti sunt incrementa, ut nominis sui sanctimoniaeque magnitudine, totum orbem terrarum repleverint. A Petro Apostolo deum, idem Christi institutum, apud posteros Pontifices, longae serie mansit, qui in summum dignitatis Pontificiae fastigium eVecti, natalium splendore illustres non fuere.

Et ne domestica contemnamus, noster Stanislaus Hosius Cardinalis, & Martinus Cromerus Episcopi Varmenses, quamvis plebei habiti, nonne tot Nobilium & illustrium Episcoporum in hoc Regno, famam suis virtutibus & scriptis doctissimis, nunquam in ermorituris superauere? De multis Episcopis, an aliquando fuerint, ne audiam quidem, nisi inter suae cognationis genere, at horum nomen, quocumque te per orbem verteris Christianum, omnium ore decantatur & celebratur.

### § XXXI.

*XXXI. Collocatum etiam iussu patronatus Principum inter Regalia, & de non alienandis Reges Sacramento obstricti. Etsi quis illud usurpare praesumpserit infamem lex dicit, & Bonis publicis proscribit. Vti Statutum Regni fusiis loquitur verb. Iussu patronatus.*

Et Iura Divina, & Iura Regalia violare nemini fas, sed & unum cum alio confundere magnum quoque neas. Suo Iure contentus Rex, in Iura Divina involare nequit, ne violare dicatur. Testatur scriptura sacra, qualiter Ozias Rex, praetergressus officii sui limites & incensum adolens, subito lepra percussus sit, non minori piaculo tenetur, qui se sacris & religiosis rebus disponendis ingerit praeter solitum.

D 2

### § XXXII.

## § XXXII.

**XXXII.** *Cum Regalia Principibus Regibusq; sit moris facto propugnare non Iure, Deditet Maieſtatem Regiam de turibus ſua Collationis litigare. A Rege Batoreo Demeirius Sulikouius, ut reſert. Hicidenſteinus ſup. cit. Romam miſſus intentus in conatus eos iuſſus eſſe, maxime ſi in Iudicio Rotæ, aliquid ſuſciperetur, Ne in controuerſiam ullam Rex deſcenderet.*

R Nec bella mouere, nec quidquam agere Principes boni ſolent, niſi jus & iuſtitia poſcat; uti autem potentiâ, cum repugnat iuſtitia, eſt abuti poteſtate datâ in ædificationem, non in deſtructionem. Litigare quidem deditet Maieſtatem, ſed non minus indecorum eſt, à Iure recepto & viâ iuſtitie recedere. Nihilum laxant mentes Principum tuæ aſſertiones ô aſtute Singulariſta!

## § XXXIII.

**XXXIII.** *Lex iubet non diſputat. Rex ablegat ad Eleſtiones Abbati, Nuncios & ſcribit, ut eligatis hunc & non alium. Ab immemorabili ſtylum hunc Curia Rom. ſuſcipit, cui nunquam Religioſi ſeſe oppoſuerunt.*

R Leges iuſtæ in dubium non vocantur, nec de eis diſputatur, ſed obſeruantia earum indicitur. Tuæ verò leges Draconinæ, in cauſa Abbatiarum compoſitæ, euidentem continent iniuſtitiam. Stylum quoque ferreum, talem, Vt hunc, & non alium eligatis, quem aſſeris Romæ acceptari, nimium decredo; nã Iura Ecclæſiæ & Curia Romana, adeo imperioſas eleſtiones, reſpuit & violentas docet. Poſtulando verò, & non imperando, Romam veniunt, & quod artiſticioſè petitur, obtinetur. Fiunt enim Poſtulationis nomine Monachorum, (qui repugnantes & contrarii in hoc paſſu; ubi jus illorum de eligendo liberè Superiore perfringitur) conſectæ & ſuppoſitæ, in quibus exoratur Pontifex, ut de tali N. perſonâ, in Adminiſtratoreſ designandâ, provideatur monaſterio, ex cuius vigilantia, multa bona obuentura claſtro, vaniſſimè imponuntur. in Curia, datur ut petitur: accedente præſertim Regiâ commendatione, quæ multas attollere ſolet corcinnatas qualitates perſona, quæ intruditur ad gubernium claſtri. in quo factò, ô quot peccata committuntur à multis, mendacij & iniuſtitie ubi totæ preces falſitate niuntur, cum tamen ad valorum reſcripti, claſſula neceſſariò deſideretur, ut preces veritate nitantur.

## § XXXIV.

XXXIV.



**XXXIV.** *Iurpatronatus Principum, Magnatum, vel alicuius universitatis seu Familiae quæ plurimum pollet auctoritate inquit Piaſecius: Præſumitur potiùs ex usurpatione, præſertim in locis in quibus ſimiles perſonæ exercent Iurisdiſtinctionem, quæ tamen uſurpationes firmant Iurpatronatus priuatorum, quantò magis Regnantium.*

¶ Paulò ſuperius dixiſti, Fundatione & Dotatione, acquiri Iurpatronatus, modò uſurpatione allegas, & quidem tali, quæ idem ſonat, quod Deſpoliatio, & rei alienæ vendicatio, vel ablatio. non eſt mos iſte Regnantium, uſurpare aliena contra Decalogum, ſed alterius farine hominum.

### XXXV.

**XXXV.** *Claret Iurpatronatus Regium & Abbatiarum Collatio Regum Polon. etiam apud exteros. Libro cui titulus Breuiarium Orbis hodie Imperandis. Querit Author. Quenam poteſt ſolus Rex in Polonia? Solus Rex reſpondet, poteſt Magiſtratus, tum Sacros, tum Ciuiles conſtituere. Magiſtratus ſacri, quos Rex ſolus conſtituit ſunt Episcopi & Abbates, quos tamen non ex pacto ſolum, ſed ipſo Iure quoq; conſtituit: adeoq; in hac re Rex Poloniæ ipſos Germaniæ Imperatores vincit (ut ibi Germanus ſcriptor loquitur) ſed & Seuerinus de Monzabano Neotericus hæc habet: Rex Poloniæ ipſe Episcopos, & Abbates nominat, Palatinos Marſchalcos, & Cancellarios, Theſaurarios, Ducesq; Militiæ creat. Reditus Coronæ diſpenſat & Præfecturas diſtribuit: Deniq; Vniuerſos Reip. honores prout ipſi placet confert, habetq; omnes in manu remunerandi, Beneficioq; afficiendi, quoſcunq; voluerit modos.*

¶ Legas, velim, Conſcientioſum, optimæ notæ librum, vel certè Veridicum authorem pium, qui Regnantes quid poſſint & debeant facere, docet; Suprema Regni cura, & maximarum rerum diſpoſitio ad illos ſpectat; minorà, ut muſcas non curat Leo, neq; Princeps; Guardianos & Abbates in clauſtris ordinare, infra Regiam dignitatem eſt, ad maiora enim manus & brachia Regum extendi debent.

### § XXXVI.

**XXXVI.** *Non eſt Regum poteſtatis quidquam de Iurpatronatus deſignare, cum per Pacta Conuenta ſpecificè iuret. Se Regalia non aliena-*

*rum, quin imò defensurum. Neq; Ordines Regni aliter Regem eligūt. Ac præcipue Serenissimo Regi feliciter nuper Electo, & coronato Patris iuratis, id præscriptum est.*

¶ Inter Regalia, nunquam Abbatum ordinatio computari debet, neq; olim, Reges hoc jus vendicabant sibi; quin etiam Ordo Equestris & Nobilitas Regni, regnante nuper Serenissimo Michaelē, diligenter in Senatu instabat, ne amplius Monasteria per Commendas affligerentur, in quam sententiam, Proceres statūs Politici omnes inclinabant, dolentes interitum antiquissimorum monasteriorum, aliqui tantum Antistites, priuatorum commodorum respectu, visi sunt repugnare, quos Minores Clerici in Aula commorantes, Secretarij, Adstantes, & reliqua cohors famelicorum & dentes parantium ad comedendū panem Regularium, irritabant & ad contradicendum accendebant. fuitq; hoc negotium, futuris Comitij, pro ulteriori decisione seruatum; quod utinam rursus in consilium, operā proborum virorum introducatur, & publico laudo, hæc causa, tam pia & Regno utilis determinetur, ut Clerici suis Canonij & Parochijs contenti maneant, & sua importunitate Maiestatem Regiam non perturbent, pro conferendis Abbatij, ad quas Clerus secularis ineptus est, & legibus sacris amorus.

#### S XXXVII.

**XXXVII.** Norunt Catholici Europæ Monarchæ, nunquam Concilio Tridentino id mentis fuisse, Iuripatronatūs Regum & Principum derogare, uti deducit Piaſecius. Illæ verò dispositiones Sac: Concil. Trident. ut Regulares Personæ eiusdem Ordinis professæ Abbatij præficiantur, & si quæ sunt aliæ: Consultiuas tantum esse docet Celeberrimus Iuris Doctor Stephan. Gratian. Et vigere tantum ubi Regum Colati. ones non interueniunt. Secus aliter: ut in Regno Polonia, Hispania, Gallia, ubi merentes in Aula hæc præmia sumunt. Imò sæpè contingit plures Abbatis uni accumulari. Hattonem Archiepiscopum Moguntinum Duodecim Abbatij à Regibus Germaniæ præfectum fuisse, longè retrò anteaſtis temporibus adfert Coring. Vt in Gallia recentiores Rischelium & Mazzarinum omittam.

¶ Dispositiones Sacri Tridentini Concilij, quæ Regulares personas, eiusdem Ordinis professas, Abbatij præficiendas esse statuunt, Decretoriæ sunt non Consultiuæ,



sultuæ, & legem faciunt, contra quam Catholici Reges præsumere non debent, cum per suos legatos in eiusdem Decreta consenserint: quidquid dicatur ab aliquibus ambitiosis & avaris Clericis, qui Regibus malas doctrinas insinuant, & ad suum quæstum multa conuertunt, quorum insatiabilem auiditatem stupeat mundus & detestatur. Egregium certè exemplum in Hatone Moguntino Archiepiscopo ponit singularista, quem duodecim Abbatibus auctum fuisse dicit; quem ego potius, Dolium pertusum, & vas Danaum inferniq; hiatus ausim scribere, sicut & Richeium, Mazarinum, cæterosq; beneficiorum Ecclesiæ comestores & voragines, Epulone Evangelico, qui de suo epulabatur, peiores, non Præsules sacros & Christi ouillis pastores.

Neq; minorem iniuriam vel infamiam inurere videtur idem scriptor singularis, ipsis Maiestatibus Regiis, qui Reges Polonia, Hispania immeritò censet, quod Clericos in Aulis suis merentes, collatione Abbatiarum præmiare assoleant, quasi ærariis ipsorum desit aliud, quod satellitibus vel ministris suis pro seruitiis præstitis retribuunt, nisi cogantur, contra Regalem munificentiam & bonam Conscientiam, ius & sortes pauperum Monachorum inuadere, & eos Cerberis deuorandos contradere.

#### § XXXVIII.

**XXXVIII.** *Sicut aequalitas, ita respectus vicinorum Principum obseruatu non incongruum suadet, ut Rex Inriumpatronatus, quæ sunt Communia Principibus tenacior sit: ne tenuiori lenitate Imperatoris & Hispania Regis exemplo, occasionem præiudicij pariat, illudq; patiatur.*

¶ Pietas Catholica suadet, ne leges Ecclesiæ contaminentur; terrent exempla Gallici abusûs, ubi sacra profanis miscentur; invitat & ad sui imitationem trahit, Augusti Cæsaris & Catholici Regis optima consuetudo, in quorum Regnis Intrusi Abbates non inueniuntur.

#### XXXIX.

**XXXIX.** *Periculosa res est Principibus incuria Iurium Maiestatis, aut lapsus; Henricus V. à Synodo Rhemensi excommunicatus instigante, Calixto Secundo. Pacis obtinenda gratiâ Vormatia, Iuri constituendi Episcopos, palam renunciare coactus est. Donec seculo XIV. suborto inter tres Pontifices Schismate, dum res Ecclesiæ fluctuant, Germania Clerus libertati pristina consuluit, Episcoporum Electione ad Canonicos*

*nonicos redente, Ius Inuestitura Caesaribus, circa Curiam Romanam Confirmatio mansit. De Stat. Imper. Germ: superius allegat Severin de Monzabano.*

¶ Periculose Reges, ad res Ecclesiæ se ingerunt, quia Regnis quandoque ob id exciderunt; diversis enim confiniis clauditur, Monarchia ab Hierarchia: Divisumq; imperium cum Iove Cæsar habet.

## XL.

**XL.** Probabile fuit Fastorum Polon. scriptori Cromero, & Religiosissimo Antistiti. Et prima Religionum instituta observare, cum dicit Lib. Polon. Descript. Abbatum & Præpositorum ligendorum Ius Collegia Monachorum hætenus retinere, sed iam vix retinent ab Episcopis primum, deinde à Regibus etiam labefactatum & violatum. Et probabile eidem fuit nulliati Ecclesiæ necessitatiq; Reip. prospicere, quando concludit: Ad Electionem quidem certè Regius assensus & Episcopi autoritas accedat oportet.

¶ Integerrimus Antistes Cromerus, sincerè testatur, Ius monachorum ab Episcopis primum, deinde à Regibus etiam labefactatum & violatum esse. Ergo aperta illorum injuria, ubi tanta istorum violentia; ergo nequiter consuecundo allegatur, ubi corruptela esse cernitur!

## S. XLI.

**XL I.** Vim sibi illatam fuisse & esse passim in vulgus spargunt Regulares. Felix, prospera, fortunata vis Monasteriis pene cælis delapsa. Regem prout à primordiis Fundatorem, adepti sunt Patronum habere, Collatorem, Protectorem. Abbates nancisci iustres Magnatum Filios, negotiorum Reip. gnaros, sublimi Regis iudicio lectos qui in Curia Negotiis non Otio immersi, diu noctuq; pro immunitate Ecclesiæ, Libertate Patriæ, Dignitate Reip. Ministerio Regis insudantes in conspectu Principum pie, sobriè, castè, vivere didicerunt. Remoti externi, vicina Germaniæ peste Haresum afflati, & à gubernaculis abstinere iussi, ignari, rudes, Patrimonium Christi dissipantes. Probè disposita munia, Fratres psallere, Abbates qui Regimini nati & magis idonei regere & gubernare constituti.

¶ Igno-



**R** Ignorat futilis fugillatō, quid Dist. 61. c. nullus invitis. Decretum Eccle-  
siasticum continet. Conveniens est, ut habeat unus quisque fructum suæ militiæ  
in Ecclesia, in qua suam per omnia officia transegit ætatem, & in aliena stipē-  
dia minimè alter obrepat, nec alii debitam, alter sibi vendicare audeat mer-  
cedem. idcirco salubriter à Sanctis Patribus ordinatum fuit, ut defuncto Abba-  
te cuiusque congregationis, non extraneus eligatur, nisi de eadem congrega-  
tione, quem sibi propria voluntate concors Fratrum societas elegerit. 18. q.  
2. c. quam sit. quia sit eis injuria, ex quo inter eos reperitur idoneus, si extrane-  
us obrundatur ut ait Abb. in c. ne pro defectu. n. 7. Ecce evidens iniuria, quæ  
grauantur Religiosi, dum eis homines alterius conditionis, irregulares & se-  
culo dediti, super caput inponuntur, & stipendia debita, multis titulis quæsi-  
ta, à majoribus sudore comparata, auferuntur.

De his verò illustribus magnatum filiis, quos stibio fucisque verborum de-  
pingit, lubethic Tertulliani commemorare, qui lib. de ieiunio c. 2. de voluptu-  
osis Prælati scribit, & istis aulicis congruit, Quibus Deus venter est, aqualiculus  
altare, & sacerdos cocus, sanctus spiritus nidor, & condimenta charismata, &  
ructus, Prophetia vetus est, apud quos agape feruet in cacabis, fides calet in  
culinis, spes iacet in ferculis, quibus etiam dici potest illud Ioan. 4. Vos adora-  
tis quod nescitis.

Dumq; claustrī munia probè disposita, singularista asserit, nimirum Fra-  
tres psallere. consequenter istos Abbates aulicos, abaci ministros & officiales sal-  
tare & choreas ducere, quod illi probè sciunt, debebat subinferre.

#### S XLII.

**XLII.** *Rex Patronus & Collator perpetuus, & immemorabilis. Nā  
sicut Episcopi in Prouinciis Poloniæ habent ius præscriptum Abbates in-  
stituendi. Administratorem vacantibus Abbatibus dandi, Electionibus  
præsidendi (ut affirmat Piaſecius Abbas olim Claræ Tumbæ) meritò di-  
cendus Bal. lus Polonus. Ita Rex nominandi seu præsentandi ius inter  
Iura Maiestatis censitum possedit & possidet præscriptione tanti tempo-  
ris, cuius initii memoria non exstat.*

**R** Hoc ius quod adstruīs Episcopis Poloniæ, ut Administratorem vacanti-  
bus Abbatibus imponant; Electioni præsideant; Abbates electos instituunt, recēs  
est, nouiterq; per illa statuta, alibi inaudita, consurgere capit, quod Iuri com-  
muni & ipsi rectæ rationi contrariatur, ac in Religiosos perperam extenditur.

Intrusio autem Regia, & Nominatio Clericorum seculariū ad praelationes claustrales, totam planè euerit Regulam monachorum, qui abique Regulari Antistite, sunt sicut oues sine pastore, sicut naus sine gubernatore, sicut locusta sine capite.

### § XLIII.

**XLIII.** Tanto tempore quæ sita Iurapatronatūs Regibus Sedes Apostolica approbavit, & hodie etiamnum approbat, Nominatis à Regibus literas Prouisionis impertiendo. Scribit alicubi Cromerus: ante ætatem inquit nostram, Erasmus Ciołek apud Pontificem Priorum Sacerdotiorum Indulgentias in potestatem Regis relegit. Non piget exscribere, ut supra innumus quæ Stanislaus Lubieski scriptor & Antistes integerrimus adnotauit, ut constet de continuo Beneplacito Summorum Pontificum. Andrea, inquit Batoreo Cardinali Episcopo Varmien: loco Episcopatus Crac: (quem contulerat Georgio Radziwilo, Cardinali Episcopo Vilnen: Sigismundus III. Rex, & promississet antea Batoreo) Abbatiam adiunxit Czerwenen: ad quam cum in Sueciam iret Anno Millesimo Quingentesimo Nonagesimo tertio Mense Augusto diuertit, cum Archiepiscopo Karnkouio, & Episcopo Płocensi Baranowio, ut illius Abbatie possessionem traderet Cardinali Batoreo; quod quidem Rege præsentem factum fuit, multum renitentibus Monachis superesse adhuc Abbatem clamitantibus, & iura liberè eligendi Abbatis appellantibus. Sed frustra: Nam Germanicus Malaspina Nuntius Apostolicus ostendit, id Summi Pontificis voluntate fieri. Niparerent præsens illis anathema interminaturus. Oper. posthum. part. I. n. 8. Non tantum hæc rata habebant Summi Pontifices, sed ipsi etiam Iurapatronatūs Regibus tribuebant asserebantq;. Monachi Andreionenses in vita B. Kadłubkonis, quam luci dederunt ipsi fatentur, Bartholomæo Powfinio Referendario Curie Rom. ad commendationem Clementis VIII. Abbatiam hæc à Rege collatam fuisse, ut infra patebit.

¶ Pontifex non omnia illa approbat, vel suum eis beneplacitum iungit, quæ ad importunas Principum preces, pro illâ vice, dispensatiuè, permittit. patet hoc, in matrimoniis in gradu vetito, in diuortiis, in pluralitate beneficiorum,



rum, in cæcorum, claudorum &c. ordinatione; eodem modo se habet in per-  
mittendâ Commendâ alicuius monasterii; offeruntur ei Regales literæ, in quibus multis titulis commendatur persona, & qualitates eius Rhetoricè amplificantur, ac ut de paternâ subuentione Pontifex provideat ei, committendo Abbatiam talem, quæ habitura sit magnam utilitatem, ex illius administratione: Postulatio quoque, nomine monachorum scripta, Loci Ordinarii consensus in eundem, præstò monstrantur: Procurator cum Camera de taxâ pacificatur, acceleratur Breue, & auolat in Poloniam. & ex hoc sinuosus infert singularista, Pápæ beneplacitum, quasi eo rectè sciente, & benè volente hæc fiat; sed artificium quis non videt & magnam peruersitatem? quid non mortalia pectora cogis, Auri sacra fames?

mutnegra & murua faciunt rectissima curua.

#### § XLIV.

*XLIV. Sicut in Germania Capitulis Electio, Cæsari Inuestitura, Curie Rom. confirmatio competit, ita in Polonia Regi Nominatio, Curie Romane confirmatio pene ex Compactatis, seu ut vocant Concordatis Priuilegio Clementis VII. quod incipit. Cum singularem. Vbi dicit. Quod? Coadiutorie Ingressus & Accessus ad Beneficia usurpari non potest, nisi etiam ipsius Sigismundi, & pro tempore existentis Polonia Regis & Loci Ordinarii, ac Capituli illius Ecclesiæ, in qua Beneficium huiusmodi fuerit, ad id expressus accesserit assensus.*

¶ Sicut in baptismo, quale nomen infanti imponitur, tali semper appellatur, siue illud compius, siue rusticanum sit; ita ex Nominatione Regiæ, Abbates intrusi prodeunt tales, quales Dominus dat, Domitiani, Nerones, vel Augusti Imperatores elati. Hinc magni refert, istam Nominationem & nouam apud Regulares Baptisationem admittere, ex qua multa mala consequuntur.

#### § XLV.

*XLV. Regis Nominatione Abbatibus præfecti pro gloria Regij Nomini semper eniuntur, correspondere suæ existimationi. Exinde ipsorum munificentia Ecclesiæ Dei, & Monasteriis multa bona fluunt. Aduertit has utilitates famosus nostri temporis moralium Scriptor ex ipso Cisterciensi Ordine Ioannes Caramuel Episcopus Metiensis Suffraganeus Moguninus, qui in Theologia Regulari scribens de Abbatibus*

*Commendataris, utilius ipsis Abbatias collocari censeat & ex multis & ponderosis rationibus, utiliores esse demonstrat Episcopus Commendatarios, quam Abbates formales.*

¶ Regis Nominatione cunctis ad Abbatias, illud Claudiani quadrat:  
avaritiæ, foedissima nutritrix

Ambitio, quæ vestibulis, foribusq; potentum,  
excubat, & pretiis, commercia polcit honorum.

Valet quoque, quod alter Poeta habet, de similibus Aula ministris; Blandus  
adulator per totam cursum aulam;

Principis inprimis, Nobiliumq; fores.

A pedibus, sic nomen habens, mala bestia, totum

Infestat corpus, præcipueq; caput.

non alia obsequia Principi præstant, isti Abbates Aulici, nisi ea, ex quibus, quæ-  
stus quam optimus provenit ipsis.

In commissis verò monasteria, ita sunt liberales, sicut deprædator in sil-  
ua, qui viatori, ablato pallio & marsupio, obulum porrigit spoliato. Aduer-  
tit benè, has utilitates Caramuel, nostri sæculi, Doctorum phænix, qui Com-  
mendatarios peius canit & angue infectatur; quem tamen legisse, Singularistia  
non puto, cum aperte falsa de illo dicat, quod sectæ Commendatior. faueat.

#### § XLVI.

*XLVI. Insuperationis Regum nemini obicem ponit assequenda  
dignitatis, & præmiorum pro meritis; quin imò tramitem monstrat.  
Rex virtutum & ingeniorum supremus Arbiter: ita Collationem  
suam temperat cum Instituto Regulari, ut non implicet prouchi Regu-  
larem Professum, dummodo sit utilis, & publico bono accommodatus.*

¶ Admodum utiles & publico bono commodissimos fuisse, & esse Profes-  
sos Regulares, totus mundus agnoscit, dum ex Regularibus tot Episcopos,  
Archiepiscopos, Summos Pontifices videt factos. Orientalis Ecclesia in ho-  
diernum usq; ex solis monachis Episcopos, Archiepiscopos & Patriarchas ha-  
bet. In Hispania ut plurimum Regulares ad Cathedras Episcopales à Rege ex-  
ponuntur. Ante duos annos Pragæ in Bohemia vicina, D. Matthæus ex mo-  
nacho Benedictino Archiepiscopus & Regni Primas, magno cum fructu Ec-  
clesiæ illi præfuit. Neq; ita pridem Antonius Wolirad Abbas Crempha en-  
sis Benedictinus, Episcopus Viennensis & Camera Imperialis supremus præ-  
fectus,



fectus, apud Cæsarem magno in pretio fuit. In aliis quoque Regnis, Regulares de monasteriis vel inviti extracti, ad Episcopatus prouehuntur. In sola Polonia Religiosi, pro nihilo reputantur, neque digni videntur, ut Abbates sint vel Præpositi monasteriorum lux professionis; cum tamen inter Regulares tot & tales viri per Dei gratiam inveniuntur, genere, virtute, doctrinaq; insignes, ut clerici aulici corrigiam calceamentorum monachalium soluere, vix digni æstimandi sint. Sed cum Regulares intenti ad opus Dei & suum spirituale profectum, intra claustra libentius commorantur, & in publicum vel ad Aulas, non nisi accedente monasterij necessitate, diuertunt, ex eo inutiles & te-  
studines vocantur.

### § XLVII.

XLVII. Iniquum foret de iniuria prætex. u Irrium Maiestatis queri ab his, qui ultrò legem tulerunt in se ipsos, Nos inquit eiusmodi Abbatis Electionem intromittere & notificare spondemus, & presentibus pollicemur, ac etiam à Serenitate & Successoribus Legitimis votū petere, & consensum gratiosum postulare & impetrare, Stat: Reg. verb. Abbas. Hanc talem sponsonem & suam suarumq; Abbatiarum cum Iuribus Regie Maiestati ultroneam subiectionem, re ipsa facto & secuto pluries effectu in realem & actualem ipsimet Monachi deduxerunt executionem. Cum non tantum à Regibus Abbates sibi dari, conferri, & destinari peterent, sed quod cardo rei est è gremio sui electos exturbarent, & possessione Abbatiarum deijcerent, quibus depulsis & submotis à Maiestate Regia presentatos dari sibi & substitui multifariè supplicarent. Ita Petro à Lwówek per Commissarios Benedicti Izbinski Episcopi Posnaniensis Abbatia Bledzoniensi detruso, à Rege datus & presentatus Petrus Kaminski suffectus est. Adamus & Ioannes Colonienses potestate Episcopi loci & Regis Mandato, de Abbatia Obręsi detrusi locum dederunt obtinenda illius, Abbatia Ioanni Bielecki, per Maiestatem Regiam presentato & pariter dato. Nec dispari ratione Ioannes Węgorzewski amoto & priuato, Stephano Siemienski ad Preme- tensensem Abbatiam à Rege substitutus est Gostanum ex Paradisiensi Abbatia, Czarlinium ex peplinensi ipsi Monachi è medio sui lectos & cre-

*nos depulerunt, & à Regia Maiestate in locum ipsorum substituendos dari sibi alios petierunt postularuntq.*

¶ Contra injustitiam miseris irrogatam, nil superest remedij, nisi querulosis lamentis solari malum suum. Prorumpunt itaque in illa cum Isaia c. 24. verba. Possederunt nos Domini absq; te: absq; te, ut Glossa exponit, qui non habent timorem nominis tui Deus; si enim Deum timerent, alienum ius non inuaderent, neq; cum pauperum iniuria vellent dutescere.

Crebrius verò inter Regulares, siue eorum culpâ, siue potius arte dæmonis factum fuit, ut contra Abbates immorigeri aliqui, ad depositionem eorundem, quandoque laborauerint, quod ut facilius efficerent, recurrebant ad Principem, qui per hanc occasionem, præponebat monasterio personam sibi visam: ex hoc tamen non sequitur, quod monasterium perpetuis temporibus liberam electionem amiserit, cum electio Superioris de gremio communitatis, est Regulæ statutum, cuius decreta non abolet, neque secuturis præiudicat, monachorum vel petulantia, vel imprudens procedendi modus.

Sicut etiam non semel, in diuersis locis euenit, ut cum in locum defuncti Abbatis, de eligendo alio deliberarent capitulariter adunati Fratres, tanta vocorum discrepantia intercedebat, ut tot fermè Candidati proponerentur, quot electores adessent, in qua diuersitate, plerumq; ad Principem, agitati diuersis consiliis monachi veniebant, ut is diuersa studia componeret, proponendo aliquem qui Abbatis locum occuparet. hoc etiam illaudabile; sed quia humana mentes subiacent varijs passionibus & voluntates fluctuare solent, ideo ex tali confusione regularium, non sequitur amissio juris liberè eligendi, neq; Princeps firmare potest jus sibi denominandi & imponendi quem velit, quia error paucorum, ius Ordinis non tollit; talisq; imperfectio regularium commiseratione eget, non verò ablatione juris, puniri debet.

Quemadmodum in Chronico Casinensi de Conrado Imperatore legimus; Hic pius Imperator cum Anno 1038. transmissis Alpibus in Italiam venisset, adiit S. Benedicti canobium Casinense, ubi à Monachis de eligendo Abbate dissidentibus, exorabatur, ut eis Abbatem constitueret, negauit Cæsar suum esse, dicens, Vos unum ex vestris eligite, monachis autem replicantibus, se non habere idoneum, Imperator nihilominus persistens in priori suâ sententiâ, respondit, Nequaquam, sed de congregatione magis idoneum, Abbatem vobis eligite. Sunt verba ejusdem Imperatoris, quæ vid. prædict. Chron.



Si in has regularium confusiones, ex infirmitate provenientes, surreptione liberæ electionis Princeps aduerteret, ita faceret, sicut Philippus Macedonum Rex, ad dissidium inter Athenienses & Lacædæmonios componendum vocatus, utrumq; suo dominatui, armis erectis, populum subegit, & liberas urbes seruitute damnauit. Quod Orthodoxis Principibus, in causis regularium illicitum est.

Hoc enim tolerabilius esse puto, ex duobus malis minus eligendo, si fortè Princeps videret aliquem etiam de ordine mendicantium Regularium, Virum dignum suo favore & promotione, talem ad Abbatiam non inutiliter prouehere posset; qualiter factum legi Anno 1522. Cum in Monasterio Salisburgensi, de eligendo Abbate fratres in votis non conuenirent, Matthæus Langius Cardinalis & Archiepiscopus Salisburg. exhortando ad concordiam, ut Ioannem Staupizium Ordinis Eremitar. S. Augustini, S. T. Doctorem, qui aliquando Lutheri hæresiarchæ, Prior & Prouincialis fuerat, sub id verò tempus Salisburgi versabatur, Abbatem deposcerent, religiosè suasisit, & persuasit; tunc accedente dispensatione Pontificis, Staupizius in Regulam S. Benedicti iurans, Abbas confirmatus & consecratus fuit, qui Abbatix visco capiendus videbatur, ne cum magno rei Catholicæ detrimento auolaret ad hæreticos, ad quos vocabatur à discipulo suo Martino Luthero. quo facto, & in fide stabilior ille mansit, moribusq; attemperatis ad clauum Monasterii non ignauiter sedit. Ex Religiosis itaq; quanquam alterius Ordinis, si in proprio Ordine habiles desint, in Abbates exponendos suaserim, ut pote institutionis & disciplinæ claustralis peritiores, quàm Clericos ex Aula, qui nihil cum pietate religiosa commercij habent, nihil de obseruantia regulari norunt, neq; utilitatem commendatorum monasteriorum spectant, sed solos prouentus auidiſſimè petunt.

#### § XLVIII.

*XLVIII. Ab Anno 1460. quo hæc agebantur, & retrò antè ut supra patuit singulari 18. Rege possessionem continuante Monasteria nihil grauaminis comminiscabantur Abbatibus ad Nominationem Regiam, longà nec interruptâ seriè succedentibus*

Et Callidè fingis te non audire gemitum pauperum monachorum, captus es auribus & mente simul; dum enim, contra omnem vetustatis memoriam, jus & potestas auferitur eis eligendi Superioris, & imperio alienorum subduntur, illud Prophetæ gementes ingeminant, Imposuisti homines super capita nostra;

nostra: cumq; bona monasterij sui inuadi & depasci vident, cum Ieremia lamenta miscent, lugubrè monando Hæreditas nostra versâ est ad alienos, domus nostræ ad extraneos: pupilli facti sumus, absque Patre, matres nostræ, Domus claustrales, quasi viduæ, squalidæ & oppressæ amaritudine.

# § XLIX.

**XLIX.** *Non potest igitur Rex & Respublica stante beneplacito Sedis Apostolicæ, & præhabita Confirmatione præinsertorum possessioni suæ præiudicare, & Regalia alienare. Neq; nociuâ dissimulatione ac Conuiuentiâ culpabili concedere Monasteriis ad amissa regressum.*

¶ Scrupulum inijcit, quasi non possit à denominationibus huiusmodi, Princeps desistere! imò debet, si saluam rempublicam cupit & se: ubi enim monasteria opprimuntur, regna nutant: Neq; illud imaginarium Beneplacitum saluabit Principem; Dispenlatio enim Papæ, (qui credit conscientiæ impetratis) si causa dispenlandi sufficiens non fuerit, nihil aliud est, quàm licentia eundi cum auctoritate ad infernum: ut fert dictum Vetus.

# L.

**L.** Proinde frustra imò temerè petulanti impulsu, pessimo exemplo, ausu damuabili nuper duo Monasteria Cisterciensium in Polonia, Andreiouiense, & Coronouiense, quæ & Hebdouiense Secutum, Electione absq; Presentatione Regia attentarunt. Frustra synopses Priuilegiorum Peremptorias Iurium Typis mandari & imprimi fecerunt. Et Andreiouiense quidem Monasterium consensu Vladislai II. Principis Poloniæ à Ianico Archiepiscopo Gnesnensi suadatum Centenariâ post præscriptione à Commendatariis Regum Nominatione præhabita tentum: contra stimulum calcitrat. Cum fateatur in vita Beati Vincentij Kadlubkonis à se edita, incipiendo à Stanislao Bialobrzescio Abbate quatuor continuo subsequentes Administratores dictæ Abbatie, quibus tres alij successerunt, à Regibus præsentatos & dados fuisse. Ita enim ediderunt & edisserunt pag. 62. quando enumerant Abbates Vigessimus septimus Stanislaus Bialobrzesci, operâ Fratris sui Martini Bialobrzesci Abbatis Claræ Tumbæ per Regiam Maiestatem promotus, & hic ultimus iam fuit Abbas Andreiouiensis, ab eius enim obitu Commendatarij



*atarij ceperunt esse. Primusq; Commendatarius fuit Stanislaus Resci-  
us Canonicus Varmiensis & Decanus Varsaviensis per Serenissimum  
Stephanum Regem datus, qui Nuntius Neapoli mansit. Secundus Com-  
mendatarius Abbatiae Andreiouiensis fuit Bartholomaeus Powinski per  
Summum Pontificem Clementem VIII. Serenissimo Regi Sigismun-  
do III. Commendatus. Tertius Commendatarius Adamus Makowski,  
qui itidem Neapoli Nuntius mansit. Quartus Reuerendissimus Remigi-  
us Koniecpolski Episcopus Chelmensis, qui ossa B. Vincentii Kadlubko-  
nis An. verb. Incar. 1633. subleuauit &c. Pariter & Monasterium  
Coronouiense per Vislaum Episcopum Vladislauieu. ex Bonis Comit-  
is Bogusza consensu Casimiri Ducis Cuiavia Decreto in Iuene (ut scri-  
bit) Vladislauia Die 10. Nouembris 1262. interposito, fundatum: cri-  
stas erigit. Cum ab Anno 1599. praesertim morte Laurentij Zalinski  
per praesentatos Regios tenuum fuerit. Frustra Priuilegium Serenissimi  
Ioannis Casimiri hac eadem Monasteria iactant, Regalia inscia Repu-  
blica alienans, ambitu priuato obtentum, & surreptitè emanatum, atq;  
reuocari iussum, quin imò per Serenissimum Regem Michaellem ad  
Consuetudines & Ius commune reductum, cui iam expresse collata  
Abbatia Vachocensi Lezenio praeiudicatum. Nonne in confesso est ho-  
diernum Commissarium Religionis Cisterciën. per Poloniam Zapolsci-  
um, post fata Donhoffij literis petiisse Regem suppliciter, ut dicta Abba-  
tia Andreiouiensi de successore prouideatur. Potius mancipati serui-  
tio Diuino enitantur, quae sunt Caesaris Caesari, & quae sunt Dei DEO  
reddi.*

*¶ In hac finali allegatione, singularista fugillat inprimis studium Cister-  
ciensium, qui pro deducendâ electione Abbatum, synopsis consecrerunt; sed  
immeritò carpit innixos juri & iustitiæ; potius iste Antimonachus, habitum sacrae  
Religionis ejus spontè assumeret, & se prius instituendum magisterio regulari  
submitteret, tum demum, si Deo placeret & fratrum cætui, ad solium Abbatiale,  
quod enixe ambit, fortassis prouideretur. ex quo tamen, grauior ruina am-  
bitioso cuique pertimescenda est, si sanctitatis cathedram non cum pari pro-  
bitate conscendat.*

Ad monasterij Andreiouiensis clauum, quos vi absolutâ admotos vel potius intrusos memorat, eos utiq; non per januam ad hoc ouile, sed aliunde intrasse testatur: quibus omnibus Ianicum Archipræsulem Gnesnensem iratum esse non dubito, quod collatos ab eo, monasterio fructus, contra ipsius piam intentionem, in profanos usus legirupiones inuasores conuertant. Nec minus offensum B. Vincentium Kadhubconem. ejusdem loci Sanctum incolam, qui mirâ in Deum Diuosq; pietate, munificentâ in monasteria & Ecclesias, celeberrimus fuit, & qui Christum, in contemptu sui, sub jugo obedientiæ imitari desiderans, Episcopatum Cracouiensem exemplo memorando; spontè deseruit, atq; in hoc Andreiouiensi asceterio Ordinem professus fuit monasticum, in quo, quinquennio sanctè peracto, victoriis sui ipsius, cæterisq; admirandis virtutibus clarus, è statione vitæ mortalis ad IESVM Ducem suum, Anno 1223. feliciter commigravit. Ambo isti reuerendissimi Antistites, nobilissimi patrimonii sui hæreditarias villas & prædia, monasteriis distribuerunt, ut Christum lucrifacerent; cum moderno sæculo perditissimi homines, Christum in suis membris despoliando, & sponsam ejus Ecclesiam, cuius se custodes inaniter iactant, nudam relinquendo, seipsos ditare soleant, & agnatos suos ex obscuritate laris priuati, in solem illustrissimorum Baronum & in theatrum orbis producere: audent tamen per summam vanitatem, promerita sua in Ecclesiam Dei, in Principem & patriam, quæ nulla in veritate habent, in tantum attollere, ut ob ea, sacros monasteriorum prouentus, ceu debita stipendia, à Principe sibi dari contendant: quos si non habeant, & Senatum minori, Aulam deferri, rempublicam diminui, carissimam patriam pristino splendore exui, ridiculè comminiscuntur. Mihi verò & aliis sinceris iudicibus, rectius videtur, quòd, nisi hæc insatiabilis Cleri profani & aplici compescatur auaritia, ut ab Aulâ, ad suas Ecclesias Canonicales & Parochiales abire iussi, juxta formam à Canonibus sacris traditam viuant, futurum fore ut & Princeps & respublica grauissima exinde incommoda subeat; idq; ex eâ causâ, quia Nobilium pleriq; filios suos in cunis adhuc iacentes, vel vix gressus & prima verba formantes, clericali togulâ inuestiunt & futuros Abbatulos baptizant, expeditiorem viam opibus comparandis esse videntes, per Clericam, quàm per militare sagum. Deseritur itaq; militare seruitium & ad castra non itur, usus armorum ab Ordine Equestri, ob togas clericales assumptas, postponitur, rarissimæ cohortes ex Nobilitate contribuntur, sicq; exiguus militarium virorum manipulus, tuendis Regni finibus, & hosti arcendo impar,



in causâ est, quod post ablatas à sceptro Prouincias, ex magnâ libertate in  
seruitutem ignominiosam compellamur.

ô mores prauî, cunctis omnino alieni,  
o miseranda nimis morum mutatio talis.



## IVSTVS DOLOR

grauissimis damnis,

*que per Commendatarios, Sacri Religiosorum cœtus, patiuntur, expressus;*

& Responsioni, Ad 50. Singularia adiunctus.


**S**I licet in lacrymas, & in argumenta doloris,  
*Ad cytharam gemitus soluere Musa tuas:*  
 Res peracerba iubet, facilem luctumque ministrat,  
*Ipsaq; solliciti carminis urget opus.*  
 Inualuit grandi qua passim clade per orbem,  
*Claustra per externos religiosa petens.*  
 Exitiale malum, radicitus omnia tollens,  
*Deformans totum spirituale decus.*  
 Quo nihil è stygijs poterat funestius undis,  
*Inier avaritiæ profluisse dolos.*  
 Quis ferat hoc! diuina Viris patrimonia tolli:  
*Quæ meruit Virtus, Vitaq; Sancta Patrum.*  
 Transferiq; aliò; non iam pietatis ad usus;  
*Ast, ut rem sacram, pompa superba voret.*  
 Instruit, heu, PANIS CHRISTI, mensasq; dapesq;  
*Ad luxum inuentas, ingluuiemq; sapit.*  
 Viuitur ad mundi fastum, legesq; profanas,  
*Ex his, perfecti qua meruere Viri.*

*An-*



*Aulica dum passim stipendia soluit Eremitæ,  
 Ex claustris gazas ambitioq; trahit.  
 Eripitur Monachis, quod prensat Curia: iamq;  
 Mars etiam, nullo vindice, claustra regit.  
 Siccine quod pietas, quod munera sacra dedere,  
 Quod strictum Christi iudiciumq; manet:  
 Tollitur ad libitum, Venatica corda saginat,  
 Inque offam anrigis vertitur, atq; cocis.  
 Ad cyathos seruit, pincernarumq; cohortes,  
 Otia cum ludis, deliciasq; fouet:  
 Cum iacet interea cultus diuinus & omnis  
 Squallet honos, pietas, religioq; gemit.  
 Cum niuei mores tolluntur, & exulat, eheu,  
 Antiquus candor, simplicitasq; Patrum.  
 Compositæ in speciem succedit fictio mentis,  
 Cor tumidum, mundi gloria, vanus honos.  
 Soluitur austerum vite genus, optima languet  
 Disciplina boni, negligiturq; rigor.  
 Spiritus, internæ basis & compactio vite,  
 Dispersus sensim, deniq; totus abit.  
 Mystica non capiunt, qui vana negotia curant;  
 Sufficit his, redditus posse tenere suos:  
 Cætera deficiant quamuis, passimq; vagentur,  
 Nec iuxta mentem religionis eant.  
 Ipsa etiam veniunt dispendia mille bonorum,  
 Namq; ex his potius commoda sanguis habet.  
 Aut qui blandiloquis mulcent sermonibus aures,  
 Prodiga quos inter distrahit illa manus.  
 Sic pariter, diuina ruunt, humanaq; passim  
 Extingui, certum est, hac ratione, bona.*

Dum qui non didicit vitam, quam nosse tenetur,  
 Præsidet, bene aliis, exitioque sibi.  
 Abbatis titulo felix, sed muneris expers,  
 Cumque bonis Fratrum gaudeat, horret onus.  
 Hic sacer est, IVSTVSque DOLOR, qui corda fatigat,  
 Ascetas qualem dissimulare nefas,  
 Exprimat hunc fatale malum, prope & ultima clades  
 Quam Commendarum fors inimica dedit.  
 Doctorum calamus vindex, quam tollit & arcet,  
 Quam, certum est, animæ mille pericla sequi.  
 Hoc agis, hoc zelante tuo solidoque labore  
 Carduelana cupis tollere docta manus.  
 I felix, animos penetra, nec desine magno  
 Qui decet Ascetas pectore vera loqui.  
 Catibus ut sacris non præsent amplius illi  
 Qui nihil ex voto religionis habent.  
 Ut regat ex medio, quem disciplina, rigorque  
 Claustralis docuit, qui didicitque regi.  
 Sic decus antiquum, sic observantia sacra  
 Florebit vita, spiritus, atque vigor:  
 Sic Abbas verus, fuerat qui filius ante,  
 Ipse sacer, sacro de grege, Pastor erit.






#  
Siquis te criticus docto perstrinxerit ungue  
Sint tibi censoris munera grata tui.


Grates, lætus ages, toruos ne contrahes vultus,  
Nec signa ingrati pectoris ulla dabis.


Si quid Aristarchus forsan laudauerit, idem,  
Lumina deijcies, occupet ora rubor.

Ne te mulceri flatu patiaris inani,  
Debetur SOLI GLORIA vera DEO.











(150.-)

(240.1)

684,80

Biblioteka Jagiellońska



stdr0005628

24 PAŹ. 2014



